



सानसेयारि "बड'सा" खरीलाइयाव
स्माज्यादि जिज्जो लोब्बा थानाय रायथाय, खन्थाय,
सल', सल'बाथा आरु दावबायादि थावनि, पार्क
बाइदिनि स्यायाव लिहनाय लिहबिबां दैथाय डर/
सानसेयारि "बड'सा" खरीलाइया खेबखानावै
फोखावगोब/
बड'सायाव लिहहरनायनि दुबा खालाम,
"बड'सा" खरी नोथ, जो बयबो आंगो खालाम।

सानसेयारि बड'सा मावखुनि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 24 January, 2024 Kokrajhar, BTC, Assam ★ Vol.-33, Issue No. 296 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



बांसिने भिथिनी थाखाय स्केन खालाम

हमारा संकल्प
विकसित भारत

मदि सरकारनि गेरन्टि

ट्राइबेल हारिफोरखो गोहो बांहेनाय

ट्राइबेल हारिफोरनि रांखाथि-समाजारि अन्सायनि थाखाय
24 रोजा कौटि रां बेसेननि पिएम-जनमन महाअभियान



गिबि मन्थि ड० हिमन्त बिस्व शर्माआ जरहात आरो देरगावआव एनएफएसएनि गेजेरजों मुलाम्फागिरिफोरनो रेशन कार्ड रान्दों आसाम सरकारा राइज्योनि गासै बिथिडाव जौगाथायनि थाखाय गोखोडै खामानि मावगासिनो दं: गिबि मन्थि

दिसपुर, 23 जानुवारी:
हादतयारि आदार रैखाथि
आयेननि मोनसे बाहागो महरै
गिबि मन्थि ड० हिमन्त बिस्व'
शर्माआ दिने जरहात आरो
देरगावनि मुलाम्फागिरिफोरनो
रेशन कार्ड रान्नाय हाबाफारिखो
जागायदों। फारिये जरहात आरो
देरगावआव खुंजानाय मोन्ने
गुबुन गुबुन हाबाफारियाव गिबि
मन्थिआ बाहागो लादों। मख'नो
गोनादि, जरहात बिधान सभा
बियाब आरो आरो देरगाव
बिधान सभा बियाबआव फारिये



सा 34,459 आरो सा 4505
गोदान मुलाम्फागिरिफोरा
एनएफएसएनि सिडव गोदान
रेसन कार्ड मोन्नो हादों।
जरहातआव खुंनय रेसन कार्ड
रान्नाय हाबाफारियाव गिबि
मन्थिआ बुंदोंदि, हादरनि गाहाय
मन्थि नरेन्द्र मदिनि लामा
दिस्थिनायाव आसाम सरकारा
थाद'नाय गैयाजासे राइजो-
राजाफोरनि अन्साइलु खामानि
मावगासिनो दं। समाजनि
(□ 5 बिलाइआव)

बिस्वनाथ जिल्लाव हानि फोरमान बिलाइ रान्दों बर'फोरखो जौसे जौखोन्दो हानि बिगोमा खालामथारनायाबो बिटिआर गोरोबथा खालामनायनि गुबुन मोनसे थांखि: दिपेन बर'



कक्राझार, 23 जानुवारी:
बिटिआर गोरोबथानि 5.3
दफाखो बिथा खालामनानै
एफआरए, 2006 आयेननि

गेजेरजों बिस्वनाथ जिल्ला
दुलाराय बर'फरायसा अफादनि
सिडव थामथि खोलोब हानि
फोरमान बिलाइ रान्नायखो दिने

सानसेनि मेहेरगोनां हाबाफारिजों
सत्रं बालिजान बर' गेजेर आरो
गौजौ फरायसालिनि गेलेग्रा
फोथाराव खुंनय जायो। मख'
नाय जायोदि, दिनेनि
थामथि खोलोब हानि फोरमान
बिलाइखो रान्नाय होनायजों
बिस्वनाथ जिल्लानि गासै
7000 निबो बांसिन बर'
नख'फोरा हानि फोरमान
बिलाइखो गावबा-गावनि
मुडव आजावो हाबाय।
लोगोसे दिने होबावनाय हानि
फोरमान बिलाइजों गहपुर
(□ 5 बिलाइआव)

सानसेनि मेहेर गोनां हाबाफारिजों गोथार बाथौ सान फालिदों



कक्राझार, 23 जानुवारी: दिने
माग दाननि चैथि मंगलबार। बे
सानखौ बर'फोय बर' हारिनि
दोरोडरि बाथौ धोरोमनि गोथार
बाथौ सान महरै फालिनाय

जायो। आसाम सरकारा गनायथि
होनाय गोथार बाथौ सानखौ दिने
कक्राझारआवबो फालिनाय
जायो। बे बादिनो दिने
फुंनिफ्रायनो कक्राझार सहरनि

बिखायाव थानाय
बागानसालिनि बाथौ
थानसालियाव गोबां बाथौ
सिबियारिफोरा थुबुर जानायाव
मोनसे फोर्बो बायदि थासारि
सोमजियो। मख'नो गोनादि,
दिने फुंनि समाव फिरफिला
बिहोनायजों बाथौ सान
फालिथायखो बेखेवनानै होयो
दुलाराइ बाथौ महासभानि
(□ 5 बिलाइआव)

कक्राझारआव सा-सान्जा फोर्बोआ दिनेनिफ्राय जागायजेनबाय

कक्राझार, 23 जानुवारी:
बिटिसि सदर कक्राझारआव
दिनेनिफ्राय सा-सान्जा फोर्बोआ
जागायजेनबाय। मख'नो
गोनादि, चान्दमारिआव थानाय
बड'फा हारिमुवारि बिथांखिनि
लांगोनायाव मिरु सरकारनि
हारिमुवारि बिफाननि
बान्जायनायाव, बिटिसि सरकार
आरो दुलाराइ बर' हारिमु
आफादनि हेफाजाबाव साननेनि
हाबाफारिजों जागायजेनाय सा-
सान्जा फोर्बोआव सा-सान्जा



हालामनि गासै दर 8 राइज्योनि
अनगायबो जम्मु काश्मीर,
हारियाणा, मध्य प्रदेश, गुजरात,
उडिष्ठाजों लोगोसे हादतनि दर
13 राइज्योनि हारिमुवारि
हान्जाफोरा बाहागो लायो।
बिटिसिनि मावफुं सोद्रोमा रेवेवा
नाजिहारीआ दिने फोर्बो
थिलियाव नुजाथिहैनाय बिथाड
गोन्जोनाय फोरमायो। सा-
सान्जा हालामा भारतनि
गेजेरवो हारिमुवारि बिथिडव
(□ 5 बिलाइआव)

गसाइगावआव लाइमोन फालांगिरिनि

थैनायाव गुबुन गुबुन
दोलो-आफादफोरा
दुखु फोरमायदों

गसाइगाव, 23 जानुवारी:
गसाइगाव सहरनि गाहाइ
हाथयनि थागिरि राजु झावार
(52) आ दिने फुंनि समाव
गावनि न'याववो जोबथा हां
बोयो। गसाइगावनि जि फालांगि
फसंथान राजु स्ट'थनि बिगोमा
(□ 5 बिलाइआव)

देरगावनि लामा जाब्रबथायाव जिउ गोमानाय साफ्रोमबो सुबुंफोरनि दुखुथिया नख'रफोरनो आसाम सरकारा 2.5 लाख राडै चैक गथायदों

दिसपुर, 23 जानुवारी:
गलाघाट जिल्लानि
कमारबन्धानि बसा भरलुवा
गामियाव नुजाथिहैनाय दिने
गिबि मन्थि ड० हिमन्त बिस्व
शर्माआ थानाय 3 जानुवारीआव
देरगावआव सोमजिनाय
गिखंथाव लामानि जाब्रबथायाव
जिउ गोमानायफोरनि जिउमानि
अराय गोजोननि थाखाय आर'ज
गावनायजों लोगोसे दुखुथिया
नख'रफोरनिमिसम गोथौ दुखु



मोनफनाय फोरमायो। मख'नो
गोनादि, बे गिखंथाव लामानि
जाब्रबथायाव गासै सा 12 सुबुंनि

भरलुवा गामिनि थागिरिमोन।
गिबि मन्थिआ बे जाथायाव
जोखोम जानाय सुबुंफोरनि
देहानि सोमोन्दै सुलु लायो।
गिबि मन्थिआ राइज्यो
सरकारनिफ्राय साफ्रोमबो जिउ
गोमानाय सुबुंनि नख'रनो 2.5
लाख राडै रांखाथिथयारि
अन्सुंथायनि चैकखौ गथायनानै
होयो। बे जाथायाव जोखोम
जानाय सुबुंफोनोबो राइज्यो
सरकार गोनांथि बादिथै मदत
होगोन होनाय गिबि मन्थिआ
(□ 5 बिलाइआव)

गसाइगावआव नेताजी सुभाष चन्द्र बसुनि 127 थि जोनोम सान फालिदों

गसाइगाव, 23 जानुवारी:
उदांखिनि दावहारु नेताजी सुभाष
चन्द्र बसुनि 127 थि जोनोम
सानजों लोब्बा लाखिनानै दिने
गसाइगावआव हान्जा सुरनाय
हाबाफारि खुंनय जायो। दुलाराइ
आसाम बे'गलि लाइमोन
फरायसा आफादनि
बान्जायनायाव खुंनय बे हान्जा
सुरनाय हाबाफारिखौ बेखेवनानै
होयो एमएलए जिरन
बसुमतारिआ। गसाइगाव नाथ
मन्दिनर लांगोनानिफ्राय
जागायजेनाय हान्जा सुरनाय
हाबाफारिनि उनाव गसाइगाव



शिशु कल्याण शिक्षा मन्दिनर
फरायसालियाव फरायसाफोरनि
गेजेरव सावगारि आखिनाय
बादायलायनाय खुंनय जायो।
गसाइगाव जिल्ला बे'गलि
लाइमोन फरायसा आफादनि
आफादगिरि उत्तम शाहाआ
(□ 5 बिलाइआव)

कक्राझार जिल्ला बि पि एफ बेंगलि चेलनि बान्जायनायाव नेताजी सुभाष चन्द्र बसुनि 127 थि जोनोम सान फालिदों



कक्राझार, 23 जानुवारी: दुलाराय हादरनाडै दिने गेदेमा नेताजि
सुभाष चन्द्र बसुनि गोथार जोनोम सानखौ फालिनाय नुनो मोन्दों।
भारत हादर उदांथ्रीनि थाखाय गावखो बाउसोमलानाय गेदेमा नेताजि
सुभाष चन्द्र बसुनि बिहोमाखौ गोसोखानानै बिथानि 127 थि
जोनोम सानखौ बायदि बायदि हाबाफारिनि गेजेरजों दिने कक्राझार
सहरनि बाजार गेजेरआव मोनसे मेहेर (□ 5 बिलाइआव)

सालबारि-भवानिपुरआव गोथार बाथौ सान फालिदों

कुसियाझारआव बाथौ फोर्बोनि रुफाथि माइथाय फालिथाय

भवानिपुर, 23 जानुवारी: बर'
माहारिनि गोथार बाथौ सानखौ
दिने सालबारि आरो भवानिपुर
दखरनि दाब-दाब जायगायाव
दोरोडरि आसार-खांथिनि
गेजेरजों फालिनाय जायो।
सालबारि महकुमानि सिडव
थानाय मायंपारा गामिनि बाथौ
थानसालिआव दिने गामिनि
राइजो-राजाफोरनि हेफाजाबजों
गोथार बाथौ सानखौ मेहेर गोनां
हाबाफारिजों फालिनाय जायो।
सानसेनि हाबाफारिजों खुंनय



गोथार बाथौ सानाय फुंनि समाव
बर'नि हारिमु, आसार-खांथि
दिस्थिफुनायजों बिमा लक्ष्मीखौ

बिमा लक्ष्मीखौ बरायना हान्जा
सुरनानै मायंपारा बाथौ
थानसालियाव गायसन्नाय
जायो। बेनि उनाव मायंपारा
गामिनि बाथौ थानसालिनि देउरि
फनिन्द्र बसुमतारिआ बाथौ
धोरोमारि फिरफिला बिहोयो।
फुंनि 9 रिगानिफ्राय 3 घन्टा सम
गोबां बाथौ सिबियारि राइजो-
राजाफोर जुथायै बाथौ आर'ज
गाबो। बेलासियाव बान्था
रान्नाय हाबाफारि आरो सावराय
(□ 5 बिलाइआव)



कक्राझार, 23 जानुवारी: दिल्लीनि गिबि मन्थि अर्बिन्द
केजरीवालनि दैदेनाय आम आदमी पार्टीआ दासान्दि दुलाराय
आसामनाडै गामि-गामि हाबनानै राइजो-राजाफोरनि जेनाफोरखौ
मिथिनो थाखाय 'गामिसिम यात्रा' मुडै हान्जा सुरनाय हाबाफारि
लागासिनो दं। बेबायदिनो कक्राझारनि बातिपारा गामियावबो 'गाव
यात्रा' हाबाफारिखो लानाय जादों। (□ 5 बिलाइआव)

सुजुगिरिनि खोलोम

दानाय-लुनायनि फार्से बर'

आइजोफोरखौ सांग्रांथि लाखिनांगोन

बुस' हार्यै समनिप्रनयनो गामिआव राइजो जाबोनाय सुबुंफ्र दानाय लुनायखौ गोनां आरिमु महरै गोबाना लाबोदो। बर' माहारिनि गेजेराव बाश्रा फंसे दइ; 'जाय हिन्जावया दानाय-लुनायाव आखाय गैया बे हिन्जावखौ रावबो हाबा खालामा'। बाश्राया नंखाय नडा। गामिआव नख'रफ्रोमबो साल-गान्देजो गोमसारनाय इसानसाली थानायमोन। मेसें बोथोर सौपेनाय लोगो-लोगो नख'र नख'र सि सौनाय, नो-खन्याय, बेनि उनाव गान्देआव खुन्दु फान्ना सालाव दानाय। गामिआव हाबहेल्लानो नख'र नख'र खालथां, खालथां, माखु गाबनाय सोदोब खोनानो मोन्यायमोन। आथिखालाव नाथाय गामिफ्राव हाबहेल्ला माखु गाबनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नगारनो लाखो, बेखौबो गोथौयै साननो गोनां जाबाय। गोदोफोर खुन्दुखौ गाव गाव बाइदि रोखोम मुवाजो गोमो, गोथां, गोजा, गोमो दाउदे बाइदि रोखोम मुवाजो गाव गानानै सि दानायमोन। दानिया नाथाय, हाथायाव मोन्याय गोजा ,गोथां ,गोमो बाइदि रोखोम गाबनि खुन्दु बायना दखना, जोमग्रा सिमा, बाइदि बाइदि रोखोमनि सि दाबाय। गोदो गामि गामि इन्दि बिफानि बागान खालामना एम्फो फिनानै फिथोबनिप्रनय इन्दि, खुन्दु दिहुन्ना इन्दि सि दानायमोन। नख'रव जोमनो दोनानैबो गुबुननोबो फानहरोमोन। इन्दि सिनि बेसेना गोदोनिखुइ आथिखालाव गोबां बांसिनबाय। गोबां रोखोमनि इन्दि सि दानानै दिहुन्नेो हाक्का बेनिप्रनयबो गोबां रं मोनो हायो। बेजोनों नख'रनि गथ'-गथायनो लेखा-बायनो गाननाय जोमनायखौबो ज'गार खालामनो हायोमोन। आथिखालनि सुबुंफ्रा नाथाय इन्दि सिखौ जोमाबालानो हाथायाव मोननाय मनिपुरि जोमग्रा, काशमीर साल बाइदि बाइदि सि फोरखौसो बायना जोमसै। सिनि फालांगि खालामनो माखासे आइजोफ्रा दावगा बोनायखौ नुनो मोन्दो। आइजोफोरनि दानाय-लुनायनि आफदाफोर दाना लानायबो नुनो मोन्दोसै। बे रोखोमनि उइभि सेन्टारव दखना जोमग्रा बाइदि बाइदि सि दानानै हाथाय बाजारव फाननोबो लाबाय। गामिनि सिक्खलफ्रनो बे उइभि सेन्टारफ्राव जानो आन्थाल' रं लाना दानाय-लुनाय हाबाखौ मावनो हमबाय। नाथाय बेजो उइभिनि सोद्रोमाफ्रा बेसेबां मुलाम्फ्रा देखानो हादो बेबो मोनसे साननो गोनां बाश्रा। नुनो मोननाय बादियेक्का उइभिनिप्रनय दिहुनजानाय सि-जोमखौ फाननायनि थाखाय नांगोमनि गुवार रोखोमनि हाथाय गैया। नांगो रोखोमनि गुवार हाथाय गैयाक्का उइभिप्रन थांना थानांगीआ गोब्राब। हादतनि बाइजोआवबो बे रोखोमनि हाथाय थानांगोन। जेरैखि जाया, माहारिनि हारिमु आरो आरिमुखौ फोथांना लाखिनायनि लामाखौ लानांगोन। बि.टि.सि. हालामनि बर' आइजोफ्रा गोदो-गोदायनिप्रनय सोलिबोनाय दानाय-लुनायनि आखुखौ फोथांना लाखिनांगोन। बिटिसिनि दैदेनगिरिफ्राबो गामिफोरनि आइजोफोरखौ थुलुंगा होनानै मावनानै जाग्रा सुबुंफोरनो गानग्रा दखना गांसेनि खुन्दु खिनिखौ जगायना सोरकारा होनो हालानांगोन। आथिखालनि गामिफोरनि सुबुंफोरनि हाल-सालफ्रा गहाम नंलिया। जानाय-लौनायखौनो जगायनो गोब्राब जानायलाय गाननाय-जोमनायखौ मात्रै जगायनो हानो? जेरैखि जाया थानानै थानायनि राहाखौ दैदेनगिरिफ्रा गामिनि सुबुंफोरनो लामा होनांगोन।

दिनैनि फान्जामुधि

राशि बाइदियै मुनि गिबि हांखो
मेष : अ ल **वृष :** ऊ ब (उ ए इ) **मिथुन :** क छ (ड घ)
कर्कट : ड ह **सिंह :** म ट **कन्या :** प ठ (ण ष)
तुला : त र **बृश्चिक :** ब न **धनु :** ध भ (ढ फ)
मकर : ख ज **कुम्भ :** ग श (स) **मीन :** द च (ख ज झ)

- मेष:** मोजां मोनलायनायजो जुलि जानो मोनो हागौ। गोजोनायखौ मोनगोन। मोजां सम।
- वृष:** माबाफोर सान्नाय जाफुनो हागौ। गोसोआव रंजानाय मोनगोन। मोजां सान।
- मिथुन:** गावनि मोजां खामानि मावनानै जौगानायखौ मोनो हागोन। बयखौबो थुलुंगा होनो हागोन।
- कर्कट:** फालांगि मावनानै मुलाम्फ्राखौ मोनो हागोन। गोजोन मोनो हागोन। मोजां सान।
- सिंह:** माबाफोर मुवा-बेसाद ख'हा जानो हागौ। गोसोखौ शान्ति मोन्याय नडा।
- कन्या:** जेखि मावा मुलाम्फ्राखौ मोनो हागोन। बे राशिनि थाखाय गहाम सान।
- तुला:** जेखि बादाया मानो देहासार जानो हागोन। मोजां सम।
- बृश्चिक:** फालांगि मावनायनि मुलाम्फ्राया बांलांगोन। फारफ्रोमथिबो मोजां। गोजोन मोनगोन।
- धनु:** देहा थासारिया मोजाडै थानाय नडा। देहाखौ सांग्राडै लाखिनांगोन।
- मकर:** जेरैबो रंजा-बाजा खालामनानै थानो हागोन। गोजोनै सम बारहोनो हागोन।
- कुम्भ:** माखौबा लानानै गोसो सिडव गामिफ्रा मोनखांनाय जानो हागौ। गोसोखौ हमथा।
- मीन:** नख'रआव माबाफोर जेना नुजानो हागौ। गोसोखौ शान्ति गैया मोनगोन। गोसोखौ हमथा।

दिल्ली-इउपिजों लोगोसे माखासे राइज्योफोराव रेजा खुवा खुनाया फागौ सानसिम सोलिगोन

गोदान दिल्ली, 23 जानुवारी: गुसु आरो खुवा खुनायजो सुबुंफोर आरोबाव माखासे समसिम भुगिनांनो हागौ। बोथोर बिफाननि बावैसो समनि आपडेट होनाय बायदिल्ला, सा भारतनि माखासे राइज्योफोराव रेजा खुवा खुनायनि सांग्रांथि फोसावदो, जाय फैगौ 3-4 सानसिम सोलिगोन। दिल्ली, उत्तर प्रदेश, राजस्थान, हरियाणा आरो पान्जाबनि सुबुंफोर गोबां गुसु जानाय आरो खुवा खुनायजो मोगा-मोगि जानांनो। फारसेथि मध्य प्रदेश आरो बिहारआव 24 जानुवारिसिम खुवा खुनाया सोलिबाय थागोननि सन्देह खालामनाय जादो। बोथोर बिफानआ फैगौ 3-4 सानसिम दिल्ली, इउपि, राजस्थान, हरियाणा आरो पान्जाबजो लोगोसे माखासे राइज्योआव खुवा खुनाया सोलिबाय थागोननि सांग्रांथि होदो। लोगोसेनो हिमाचल प्रदेश, जम्मु



काश्मीर आरो उत्तरखण्डनि थाखाय खुवा खुनायनि एलार्ड फोसावनाय जादो। मख'नो गोनांदि, दिल्ली, सान्जा मध्य प्रदेश, हिमाचल प्रदेश सोनाब बंग आरो सिक्कीमनि आलादा-आलादा ओन्सोलफोराव गुसु जानायनि थासारिखौ नुनो मोन्दो। सोनाबारि नारसिन्थायनि गोहोमनि जाहोनाव

इउएस आरो ब्रिटेनआ हुटि बिग्रायारिफोरनि हेंथायै गाग्लोबदों



वाशिंठन, 23 जानुवारी: यमनआव थानाय हुटि बिग्रायारिफोरनि हेंथायै आमेरिका आरो ब्रिटेनआ सान्थिफोरा गाग्लोबनायखौ गोखै खालामदो। पेन्टागनआ फोरमायदोंदि, आमेरिका आरो ब्रिटेनआ सान्थिफोरा यमनआव हुटि बिग्रायारिफोरनि थाग्रा जायगाफोराव गाग्लोबदों। पेन्टागननि बायदिल्ला, आमेरिका आरो ब्रिटेनआ सान्थिफोरा आन्डर ग्राउन्ड स्टरेज स्टल आरो हुटिफोरनि मिसाइल आरो नोजोर लाखिग्रा गोहोखौ सिलिंखार खालामदो। फारसेथि हुटि बिग्रायारिफोर बुंदोंदि, इज्राइलनि गेजेरजो गाजायाव गाग्लोबनायनि उनाव गावसोर फिलिस्ताइनफोरजो लोगोसे खौसेयै गसदों। बेनिखायनो बे गाग्लोबनाया फिलिस्ताइनफोरनि हेफाजाबआव दइ। दर 6 हादरफोरनि गेजेरजो मुसाइ होनाय मोनसे जुथाइयै बिबुंथि होनाय बायदिल्ला, आमेरिका आरो

ब्रिटेननि सान्थिफोरा अस्ट्रेलिया, बहरिन, कानाडा आरो निडारलेन्डनि हेफाजाबजो यमनआव 8 था आलादा-आलादा जायगाफोराव गाग्लोबदों। बेनि सिगां हादतगिरिज' बाइडेनआ बुंदोंमोनदि, हुटि बिग्रायारिफोरनि हेंथायै बे उरां जाहाजजो गाग्लोबनाया सोलिबाय थदों। आमेरिकानि सासे गागि सान्थि बिबानगिरिया फोरमायदोंदि, गासै 25-30 गुलिफोरखौ गावहरनाय जादों। आमेरिकानि बिबानगिरिफोरा बुंदोंदि, बे गाग्लोबनाया हुटि बिग्रायारिफोरनि गाग्लोबनो हानायनि गोहोखौ बाडाइ खालामदों। बिसोरो दासिमाव सिलिंखार जानाय मिसाइल, रडार, झुन एबा गुबुन सान्थिफोरि मुवा-बेसादनि सोमोन्दै जोबो खौरांखौ जगायना होनाय जायाखै।

चीनआव गोखों आरो गोबाव समसिम बांग्रि मावनायखौ मोन्दांथिदों



बेइजिं, 23 जानुवारी : चीननि किर्गिस्तान-झिंजियां सिमना ओन्सोलाव मंगलबारखालि गोखों बांग्रि मावदों। बे गोखों बांग्रिजो माखासे सुबुंफोरजो जोखोम जानाडो आरो गोबां न'-बांफोरा ख'हा जानायनिबो खौरां मोन्याय जादों। चीननि बांग्रि खुंथाइनि बायदिल्ला बांग्रिया मंगलबार फुनि 2:0 रिंगयायाव मावदों, जायनि गोखैथिया 7.1 रिक्स्टनिमोन। सा-सोनाब चीननि शिनजियां ओन्सोलाव बुसि कार्डिनि हाजो सिमना ओन्सोलाव 22 किल'मिटर सिडव बे बांग्रिनि मिरुखौ हमादांनो मोन्दों। शिनजियां बांग्रि एसेन्सिनि मिबथिहोनाय बायदिल्ला, बे गोखों बांग्रि मावनायनि मिरुआ बुसिनिफ्राय 50 किल'मिटर गोजानाव मावदोंमोन। बेनि सोरगिदिं 20 किल'मिटर बेंखनआव गासै दर 5 गामिफोर दइ। बेफोर गासैबो गामिफोरा बांग्रि बेंखनआव गोलेनांनो। चीन बांग्रि नेटवर्क सेन्टरनि बायदिल्ला दिनें फुनि 8:40 रिंगसिम बे बांग्रिनि मावनायखौ मोन्दांथिबाय थदों। बांग्रिखौ उरुमकी, करला, कासागर, थिं आरो खाथि-खालानि ओन्सोलफोराव गोखोडै

मोन्दांथिदों। चीननि खौरां बिलाइ सिन्हुवानि बायदिल्ला बांग्रि मावनायखौ नोजोर होना शिनजियां रेलवे बिफाना थाबैनो रेल सिबिथाइखौ बन्द' खालामो आरो बांग्रि मावनाय समाव गं 27 ट्रेनफोराव गोहोम गोरलैदों होना मिबथिहोदों। थानाय 24 घन्टायाव शिनजियांआव माखासे गिदिर् बांग्रि मावदों। साखाथियाव नांजाबनाय कजाकिस्तानआव इमार्जिन्सि मावख'या 6.7 रिक्टर गोखैथिनि गोदानै बांग्रि मावनायनि खौरां होदों। कजाकिस्ताननि बयनिखुइबो देरसिन सहर, एलमातिआव सुबुंफोरा बांग्रि मावनायजो न'निफ्राय बायजोआव ओंखारसावो। अदेबानि बेयाव जेबो रोखोमनि ख'हा जानायनि खौरां मोन्याय जायाखै। बेनिफ्राय 30 मिनिट उनाव उन्बेकिस्तानआवबो बांग्रि मावनायखौ मोन्दांथियो।

आसाम-मेघालय सिमनानि गंसे मुलुग सोलौंसालियाव

गुवाहाटी, 23 जानुवारी : कंग्रेसनि दैदेनगिरि रहलु गान्धीया दावि दैखंदोंदि, मिरुनि नख'र मन्थि अमित शाहनि बिथोन होनायाव मेघालयआव गंसे प्राइभेट इडनिभासिटिनि फरयसाफोरजो बाश्रा सावरयनो गावनि थानायखौ होबथादों। मख'जाथावदि, आथिखालाव रहलु गान्धीया भात जड न्याय यात्राखौ दैदेनगासिनो दइ। बिथाड दावि दैखंदोंदि, मिरुनि मन्थियानो आसामनि गिबि मन्थि मावख'नि गेजेरजो इडनिभासिटि बिबानगिरिफोरनो बिथोन हस्दोंमोन। बेनि गेजेरजोने



फरयसाफोरजो सावरयनोबो गावोनो गनायथि होयाखै होनाबो दाय जाबसिनो। रहलु गान्धीया आसाम-मेघालय सिमनायाव खालामनाय गावनि यात्रानि हाबाफारियाव बास गोजीनिफ्राय फरायसाफोर आरो गुबुन सुबुंफोरजो बिबुंथि लाखिनां बुडोदि, नोंसोरनि इडनिभासिटियाव फैनानै आं बिबुंथि होनो सान्दोंमोन। नोंसोरनि बाश्राफोरखौ एबा जे'नाफोरखौ खोनासंनो नागिरदोंमोन। नाथाय भारतनि नख'र मन्थिया आसामनि गिबि

रहलु गान्धीनि न्याय यात्राया आसामाव सौहैनाय लोगो लोगो राजखान्थियारि दावराव-दावसिया बांदों

गुवाहाटी, 23 जानुवारी : कंग्रेस दैदेनगिरि रहलु गान्धीनि सायाव आसामनि नगावआव गाग्लोबनायनि उनाव बिनि बिबुंथिनि सोमोन्दैयै सौंथि सौनायाव राइज्यो गिबि मन्थि हिमन्त बिश्व शर्माया थानाय समबारखालि बुडोदि, दिनें रमनि सोमोन्दैयैल' बाश्रा बुंनानांगो। रावननि सोमोन्दैयै नडा। अयध्याआव रमललानि बेखेवनाय सानआव शर्माया बुंदोंदि, दिनें 500 बोसोरनि हास्थाइनाया जाफुंबाय। बेनि गेजेरजो भारतआ बे हादतआव गासैबो हाबाफारिया गोरलै बेखौ दिन्थिदों। आंहा फोथानाय दडदि, आथिखालाव रमनि खुंथाया जागायबाय। रमनि खुंथाइ जानायजो लोगोसे भारतआ मुलुगनाडेनि गुरुबो जागोन। नगावआव गाग्लोबनायखौ लानानै रहलु गान्धीनि बिबुंथिनि सोमोन्दैयै सौंथि सौनायाव गिबि मन्थिया बुंदों, बिथांमोनहा दिनें मानो



रावननि सोमोन्दैयै बाश्रा सावरायगासिनो दइ? दिनेंथ' रमनि सोमोन्दैयैल' बाश्रा सावरयनानांगो। मानोना जो 500 बोसोरनि उनाव रमनि सोमोन्दैयै बाश्रा सावरयनायनि खाबु मोन्दों। नगाव जाथायनि सोमोन्दैयै बिजेपिनि बुंथिगिरि सहजद पुनालयाया एक्सआव पस्ट खालामना बुंदोंदि, बिनि दावबायनाय समाव माखासे सुबुंफोरा जय श्रीराम आरो मदि स्ल'गान होदों। बेनिखायनो रहलु गान्धीया अहंखारै बिनि सायाव गाग्लोबना बाश्रा बुंदों। बे समाव रैखाथि मावसुमाफोरा बिथांखौ

इज्राइलआ 2 दानसिम गाजायाव गाग्लोबनाय नडा होन्ना प्रफजाल होदों



गाजा, 23 जानुवारी: अक्टबर दाननिफ्राय जागायनाय इज्राइल-हामास दावहायाव आरोबाव खनसे इज्राइलआ सिजफायारिनि प्रफजालआव आवगायदों। मख'नो गोनांदि, इज्राइलनि फारसेनिफ्राय हामास उतखारिफोरनो प्रफजाल होदोंदि, जुदि बिसोरो गासैबो केदिफोरखौ रेहाय होयोक्का गाजायाव फैगौ 2 दानसिमाव जेबो रोखोमनि गाग्लोबनाय नडा। बेनि ओंथिया बेनोदि, इज्राइलआ सिजफायारिनि

बुंदोंदि, हामासआ उतखारिफोरनि सिगाडाव प्रफजाल होदों। दासिमाव इज्राइल, कातार एबा मिश्रनि फारसेनिफ्राय जेबो रोखोमनि रोखा बाश्राया सोराडव फैयाखै। खौरांनि बायदिल्ला, इज्राइलनि केबिनेटआ बावैसो समाव पिलिस्ताइननि हेफाजाव मोन्याय हान्जा हामासजो लोगोसे रदायनि थाखाय मोनसे गोदान प्रफजालखौ गनायथि होदों। बेनि सिगांबो हामास आरो इज्राइलनि गेजेराव 24 नभेम्बरनिफ्राय 30 नभेम्बरसिम दावहा दोन्थ'नायनि रदाय खानाय जादोंमोन। बे समाव मोन्नेबो हान्जानि फारसेनिफ्राय केदिफोरखौ रेहाय होदोंमोन। बे समाव हामासआ 100 निफ्राय बांसिन केदिफोरखौ रेहाय होदोंमोन। बेनि उनाव इज्राइलआ 240 फिलिस्ताइननि केदिफोरखौ रेहाय होनो गोनां जादोंमोन।

राम मन्दिर बेरवेवनायखौ नुना पाकिस्तानआ गिरवांदों

इस्लामाबाद, 23 जानुवारी : भारतनि थाखाय 22 जानुवारीया फारफ्रोमथिनिफ्रायनो जर'खा होन्ना बुंजायो। उत्तर प्रदेशनि रमनि नोगोद अयध्याआव रम मन्दिरखौ बेखेवनाय हाबाफारिया जोबोद दोहौ गोनाडे आरो गाजा गोमज्जयै जाफु'सारलाडो। फारसेथि आमेरिका, मेक्सिक' आरो लन्डन बायदि हादतफोराव भगवान रामखौ सिबिनाय जादों आरो रंजानायजो जाग्रा मुवा रान्या जादों। गुबुन फारसेथि भारतनि नसुंसे हादत पाकिस्तानआ बेनि उल्था युथाइखौ नुनो मोन्दों। रम मन्दिरखौ बेखेवनाय सानआव पाकिस्तानआ बुंदोंदि, भारतआव हिन्दुयारि सान्नाय-हनाया बांबोनायजो धोरोमारि सान्थौ आरो ओन्सोलारि गोजोननि थाखाय गोखों खैफोदो दइ। बेनि अनगायै पाकिस्तानआ मुसलमानफोरजो



लोगोसे धोरोमारि बिथिडव एसेल' सुबुं अन्जिमा गोनां हारि आरो बिसोरनि गोथार थानसालिफोरनि रैखाथिखौ रोखा खालामनोबो भारत सरकारखौ बुंहरदों। खौराडव मिबथिनो हानाय बायदिल्ला पाकिस्ताननि गुबुन हादतयारि मावख'या बे बिबुंथिखौ समबारखालि गहाइ मन्थि नरेन्द्र मदिनि दैदेन्यायाव अयध्या मन्दिरआव रमललानि मुसुखाखौ थिसन्नायनि उनाव होदों। बेयाव बुंबावनाय जादोंदि, थानाय 31

सोद्रोमाफोर आरो पार्टीनि दैदेनगिरिफोरजो गुबुन गुबुनै सावरयनो गोनां हाबाफारि दइमोन। प्राइभेट इडनिभासिटियाव हाबाफारिफोरखौ कंग्रेसआ समबारनि सानजौफु समाव फोसावदोंमोन। नाथाय इडनिभासिटियाव गावनि गनायथि होनायखौ बोखारना लानायनि उनाव रि भाडनिनो गंसे हटेलआव हाबाफारिखौ फिन थि खालामनाय जायो। बेयावरो रहलु गान्धीया गावनि बिबुंथियाव बुंबावोदि, रहलु गान्धीया फैनाय एबा फैयाया गोनांथार नडा। गोनांथार बाश्राया जादों नॉथांमोननो जायखि

सिमनजो नांजाबनाय मेघालयनि रि भाइ जिल्लायाव बिगियाआव गोनोंखोयारि मुलुगसोलौंसालि, मेघालय (इउएसटिमेट) आव मंगलबार फुनि समाव सौहैदोंमोन, जेराव विथाडा बेयावनि फरयसाफोर, नोगोरारि समाजनि

जायनि बाश्राखौ खोनासंनायनि गनायथि होनायासो गुबै। नॉथांमोननो गावनि गोसो बायदियै जिउ खुनायनि गनायथि होनो नांगी। गुबुननि सान्नाय एबा हास्थायनाय बायदि नडा। बिजेपिनि सायाव गाग्लोबनाय रवजो रहलु गान्धीया बुंबावोदि, नॉथांमोनखौ बिसोरो बान्दा खालामनो सानो। नाथाय आं मिबथिगोदि, बुहुमनि जायखि जाया गोहोयानो बिब्दि खालामनो हाया। बेयावदि गावखौ खालामनाया आसामावल' नडा भारतनि गंग्रोमबो फरयसालि, फरयसालिमा आरो इडनिभासिटिफोरखोनो जादों।

नेताजीनि 127 थि जोनोम सानआव बिथांखौ पिएम मदिजों लोगोसे हादतनाडै गोसोखांदों

गोदान दिल्ली, 23 जनवरी : नेताजी सुभाष चन्द्र बसनि 127 थि जोनोम सानआव दिने हादतनाडै बिथांखौ गोसोखांदों। हादतगिरि, लेडाइ हादतगिरि आरो गाहाइ मन्थि माहारियारि गथ 'सा बान्थाजों मान बाउदों। हादतगिरि द्रौपति मुर्मुआ नेताजीखौ गोसो खानांने सशेल मिडिया प्लेटफर्म एक्सआव मोनसे परस्ट खालामो। बिथांखौ लिखदों आं नेताजी सुभाष चन्द्र बस बिथांनो बिबार बाउयो। बिथां नेताजीआ भारतनि उदासिनि थाखाय जर'खायै दिन्थिलादों। बिथांनि जोबनो गैयै साहज आरो मावनाय हाबाफारिया भारतयारिफोरखौ ब्रिटिस खुंथायि हेंथायै गियालासे दावहा नांनो थाखाय थुलुंगा होलादों। बिथांनि गोहो गोययै मावनाया जॉनि उदासि सोमावसारनायाय गोथौ बिहोमा होलादों। जॉनि हादतनि नोगोयारिफोर बिथांनि मावनाय हाबाफारिखौ जेब्लाबो गोसो खांगोन होना बिथां द्रौपतिआ परस्ट



खालामदों। फारसेथि लेडाइ हादतगिरि जगद्विप धनखडूआबो नेताजी सुभाष चन्द्र बसखौ गोसो खानांने बुंदोंदि, हादतनि उदासिनि थाखाय बिथांखौ हाबाफारि मावनांने जों बयखौबो थुलुंगा होबोदों। उदासिनि थाखाय बिथांनि फोसावनाय 'आंनो थै हो आं नौसोको उदासि होगोन' बायदि गोहो गोर सोदोबफोर मान होजाथाव, जाय जायिमिनआव उदासिनि थाखाय मोनसे रेलि महरे

ऑखारबोदों, बे सानआ दिनेबो भारतनि उदासिनि थाखाय दावहा नांनो उदा मोनो नानायायखौ गोसो खांहोयो। बिथांमोननि अनगायै पिएम मदिजाबो बे हाबाफारिया भारतनि सुबुंफोरनो हामब्लाइथि बाउहरदों। बिथांखौ बुंदों, दिने नेताजी सुभाष चन्द्र बसनि जोनोम सानआव जों बिथांनि साहजखौ मान होयो। जॉनि हादतनि उदासिनि थाखाय बिथांनि जिउ बाउनाया जौखौ जेब्लाबो

थुलुंगा होलांजाय थगोन। सुलुडव फोरमायनाय बायदिब्ला 23 जानुवारीखालि सुभाष चन्द्र बसनि जोनोम सानखौ फालिनाय जायो। बिथांनि जोनोमा 1897 नि 23 जानुवारीयाव उरिपानि कटकआव गंसे बाडाली नख 'राव जादोंमोन।

रासियाआ कीयेभजों लोगोसे माखासे ओन्सोलफोराव मिसाइल गावहरदों



कोयेभ, 23 जानुवारि: रासिया आरो इडकेननि गेजेराव दावहाया बोसोरनैनिबो बांसिन सम जालांजाय। रासियाआ लान्थियै इडकेननि ओन्सोलफोरनि सायाव गाग्लोबगारिफोरनो दड। बेनि गेजेरजों इडकेन नि सासे सान्थि बिबानगिरिआ दाबि देखांदोंदि,

रासियाआ कोयेभ आरो बेनि खाथि-खाला ओन्सोलफोराव मिसाइलजों गाग्लोबदों। कोयेभनि सान्थि खुंथायनि गाहाइ सेरही पपकआ मेसेजि एप टेलिग्रामआव मंगलबारखालि फोरमायदोंदि, रासियाआ राजथावनि कोयेभ आरो खाथि-खालानि ओन्सोलफोरखौ

नोजेर होदों। बे गाग्लोबनायनि उनाव अखां सान्थिखौ कीयेभनि रैखाथिनि थाखाय थिसदों। लोगोसे सहराव अखांमा गाग्लोबनायनि एलाट'खौ लानानै एलाम'बो गावगासिनो दड। कोयेभ ओन्सोलनि सान्थियारि खुंथायआ टेलिग्रामआव बुडोदि, एयार डिपेन्स सिस्टेमआ रासियानि मिसाइल गाग्लोबनायखौ पेले खालामनायाव नांथावदों। सुलुडव फोरमायनाय बादिब्ला, रासियाआ थानाय 2022 आव इडकेननि हेंथायै दावहा सोमजिहोदोंमोन। बोसोरनैनिखुडू बांसिन समनि उनावबो बे दावहाया सोलिगासिनो दड। आथिखालाव माखासे हादरफोरनि गेजेराव सुखानो नाजादों। नाथाय बे दावहाखौ सुखानो हायाखै।



गोदान दिल्ली, 23 जानुवारि: भारतयारि शेरार बाजारआ हंकेखौ उनाव गालांनानै मुलुगनाडारि थाखौआव ब्रैथि बयनिखुडू देरसिन इकिवटी बाजार जाबाय। ब्लुमबार्ग आ फोसावनाय अन्जिमाफोरनि बादिब्ला, भारतयारि एक्सएनआव फारिलाइ खालामनाय शेरारफोरनि जुथाय बेसेनआ समबारखालि बन्द जाजासिमाव 4.33 टिलियन अमेरिकन डलारसिम सौहैयो। बेरफारसे हंके शेरार बाजारआ 4.29 टिलियन अमेरिकन डलारमोन।

आथिखालाव शेरार बाजारआव दावखोलाय-फावसयलाय जानाया सोलिगासिनो दड। थानाय बोसोराव शेरार बाजारनि इन्भेस्टमेन्ट खालामग्राफोर गहाम मुलाय्मा मोन्दों। बेरफारसे 2023 आव सेन्सेक्स आरो निफ्टीआव 17-17 जौखोन्दोबो बांदों आरो 2022 आव सेन्सेक्स आरो निफ्टीआ 3-4 जौखोन्दोल 'बांदोंमोन। ब्लुमबार्गनि गेजेरजों फोसावनाय अन्जिमानिफ्राय मिथिनो मोनोदि, हंकेनि बेन्समार्क हें से इन्डेक्सआव थानाय बोसोरनि रुजुनायाव 32-33 जौखोन्दो दावखलायनाय फेदों। मख 'नो गोन्दि, हादरनि रंखाथि रहआ बयनिखुडू गोखैयै बांगारिनो दड। मुलुगनाडै मिरुवारि बैंकफोरा गावसोरनि नेमकान्थिखौ गोखौ खालामदों। बेरफारसे भारतआबो मोनसे गोजौ थाखोनि सावगारिदिन्थिदों।

सुबुंखाथि सानआव डर्नियार-228 उं जाहाजआबो बाहागो लागोन

गोदान दिल्ली, 23 जानुवारि: सुबुंखाथि सानआव बे खेवआव फ्लाइपास्टनि समाव बिरहोनो गोनां तांगेल फर्मसनआव हेरिटेज उं जाहाज डकटाखौ फोसावनाय। बेयाव गंने डर्नियार ड-228 उं जाहाजआबो बाहागो लागोन, जाय एभिएसन टर्बाइन प्युल आरो बायप्युलनि गेजेरजों बिरगोन। भारतयारि अखांमा सान्थि (आइएफ) आ थानाय मंगलबारखालि फोरमायदि, तांगेल फर्मसनआव बै जाफु'सार एयारडूखौ बोखॉफिनगोन, जेराव थानाय 1971 नि 11 डिसेम्बरआव भारतयारि अखांमा सान्थिनि जवानफोरखौ पेशाश्टजों बागलायहोदोंमोन। सुलुडव फोरमायनाय बादिब्ला, भारत-पाकिस्तान दावहानि समाव सुथुरनि ओन्सोलाव भारतयारि रैखाथि हान्जाफोरनि बेयो गिबि एयारडूपमोन। बेनि अनगायै भारतआव बानायनाय हाथियारि नेमकान्थिफोराबो बे बोसोरनि



सुबुंखाथि साननि फेडआव गाहायै गोसो बोनो हाथावनि मिरु जागोन। बेयाव भारतयारि सान्थिफोरनिफ्राय एलसिएस प्रचन्द हेलिकप्टर, पिनाका मालिट-बेरल रकेट लान्कार आरो नांग एन्टि-टैंक मिसाइलफोरा दंफायो। सुलुनि बादिब्ला, एलसिएसआ प्रचन्द एड्सएएलनि गेजेरजों डिजाइन बानायनाय आरो गिबि हादरआवबो बानायनाय मालिट रल कम्बेट हेलिकप्टर। बेयाव गोहो गोरयै हाजों गाग्लोबनाय आरो उं जाहाजजों दावहा नांनो हानायनि गोहो दड। एन'एजिखौ डिआरडिअनि गेजेरजों सान आरो

थाखाय दिहुनाय जादों। सान्थिनि बिबानगिरिफोर बुनाय बादिब्ला, भारतयारि उद्यगनि गेजेरजों हादरआवबो बानायनाय गोदान हाथियारजों लेस जानाय गारिफोर आरो जर'खाथि गारिफोरखौबो पेरेडआव दिन्थिनाय जागोन, जेराव फ्रान्सनि हादरगिरि इमानुएल मैक्रुन आ गाहाइ आलासि महरे बाहागो लागोन।

हादतआव कथिडनि गोदान भेरिएन्ट गोसारनायनि गेजेराव सा 3 जिउ ख'हा

गोदान दिल्ली, 23 जानुवारि : हादतआव करना भाइरसनि गोदान पजिटिभ केसफोरा बांगोसासिनो थादों। बेनि गेजेरजों मंगलबारखालि थानाय 24 घन्टयाव 236 गोदान केसफोरा थिसनजायो। बेखौ लाफानानै हादतनि करना पजिटिभनि एक्टिभ केसआ गासै 2,031 सिम सौहैयो। मिरु सावसि बिफाननिफ्राय मंगलबार फुडव बेनि खौरखौ होयो। सावसि मावख 'था मिबिथिहोबावदोंदि, थानाय सानाव साथाम करनानि बेरामिफोरा जिउ गोमायो। थैनायफोरनि गेजेराव कर्नाटकनिफ्राय सासे आरो सोनाव बंग'आव सासै बेरामिफोरनि जिउ गोमायो। मख 'जाथावदि, थानाय 5 डिसेम्बर 2023 सिमाव हादतआव करना पजिटिभ केस आरो एक्टिभ केसआ जोबोद गाहायसिम दावखलायलांबायमोन। नाथाय कथिडनि गोदान भेरिएन्ट जेएन.1 नि केसखौ मोनायनि उननिफ्राय हादतआव करनानि पजिटिभ केसआ बांफिदों। खौर मोनाय बायदिब्ला कथिड-19 इन्फेक्सन सन्दरेनाय बेरामिफोरनि 92 जौखोन्दो बेरामिफोरनो न'आव थानानै फाहामथाइ लानायनि गेजेरजों मोजाडव फेफिनो हादों। बिसोरो देहा फाहामसालियाव थिसनजानो गोनां जायाखौ। कथिड-19 नि गोसाजेनानयनिफ्राय दासिम भारतआव 4.5 कौटि करना पजिटिभ मोनबाय। दुखुंन'थावदि, करना सन्दरेनानै हादतआव थैनायफोरनि अन्जिमाया 5.3 लाख जाहैबाय। फारसेथि मोजां खौराड बेनोदि, 4.4 कौटिनिबो बांसिन करना पजिटिभ जानाय सुबुंफोरा मोजाडव फेफिनो हादों। हादतनाडै मिरु सरकार सोलिहोनाय कथिड भेक्सिन थुनाय हाबाफारिनि गेजेरजों 220.67 कौटि ड्रप थुखानाय जाबाय।

गिबि मन्थि ममता बेनार्जीआ नेताजी जयन्तीयाव मिरु सरकारखौ थांखिदों

गोदान दिल्ली, 23 जानुवारि : दिने भारत हादतनि उदासि दावहार नेताजी सुभाष चन्द्र बसनि 127 थि जयन्ति। बे खाबुआव सोनाव बंगनि गिबि मन्थि ममता बेनार्जीआ मिरु सरकारनि सायाव थांखिदों। बिथांखौ बुंदोंदि, बेयो हादतनि थाखाय लाजिनांथाव बाश्रादि, जों दासिमबो बै समाव नेताजीजों मा जाथाय जादोंमोन बेखौ मिबथिया। सिगां फारसे बिथांखौ बुडोदि, नेताजीआ गोमानायनि एसेबां बोसोर उनावबो थारै नो बिथांजों मा जाथाय जादोंमोन बेखौ सुबुंफोर मिबथिया आरो बिथांआ बबे अकटआव रंसारि जादों बेखौबो रावबो रोखा




मिबथिया। नेताजी सुभाष चन्द्र बसआ गोमानाय केसखौ नायबिजिनो खोथा होनायनि उनाव बेखौ मावफुडखै होना ममताया मिरु सरकारनि सायाव थांखिदों। सोनाव बंगनि गिबि मन्थिया बुडोदि, बिजेपिया खुंथायाव

फैनायनि सिगां नेताजीया गोमानाय केसखौ नायबिजिनो होना खोथा होदोंमोन। नाथाय बिसोरो गावसोरनि खोथा होनायखौ बाउगारबाय। 20 बोसोरसिम बिथांखौ नेताजीनि जयन्तीखौ माहारियारि थाखायव गनायथि होनो

नाजादों। नाथाय बेयाव जाफु'साराखै, जायनि थाखाय ममता बेनार्जीआ सुभाष चन्द्र बसनि जयन्तीनि खाबुआव निमाहा बिदों। ममताया रमललानि राम प्रतिष्ठा फोबोंखौ लानानै मिरुआरि मावख'आव सानसेनि खावसे समखौ छुट्टि होनायनि सायावबो सांथि दिखदों। बिथांखौ बुडोदि, आथिखालाव राजखान्थियारि फोसावदिनि थाखाय छुट्टि फोसावनाय जासै। नाथाय हादतनि उदासिनि थाखाय दावहा नांनय सुबुंफोरनि थाखाय बेबायदि जेबो फोसावनाय जाया। मख 'जाथावदि, सुभाष चन्द्र बसनि मुसुखायाव बिबार माला गानहोनायनि उनाव बुंवावोदि, एसेबां गोवाव बोसोरनि उनावबो जों हादतनि नेताजीनि थैनाय अकटखौ मिबथिनो हायैया भारतनि थाखाय हाउरिया खाफाल। बेयो जॉनि थाखाय लाजिथाव बाश्रा।

सिकाग'आव नख 'सेनि सा 7 सुबुंफोरखौ गुलि गावना जिउ फोजोबदों



सिकाग', 23 जानुवारि : इलिनइसनि सिकाग' नोगोर जलितआव गंने नख 'रनि सिडव सा 7 सुबुंफोरखौ गुलि गावना बुथासनाय जाथाय सोमजिदों। बे खौरखौ पुलिसआ मिबथिहोयो। बिबानगिरिफोरनि बायदिब्ला, गाग्लोबग्राफोर थैनाय सुबुंफोरखौ सिगांनिफ्रायनो मिबथिखागोमोन। अदेबानि बेबायदि गुलि गावनायनि गुबै थांखिनि बागै आथिखालाव मिबथिनाय जायाखै। पुलिसआ

हमदांदोंदि, बे जाथायखौ मोगथं महर होनाय सुबुडु गंसे नख 'रनि गोसैबो सोद्रोमाखौ थांखिनानै जिउ फोजोबदों। जलित पुलिस बिफाननि गाहाइ बिबानगिरिया बुंदोंदि, 23 बोसोर बैसोनि रमिय नेन्सआ इलिनइस प्लेट नम्बार् क्यू 730412 आव मोनसे रेड टयट केमारि सामलायगासिनो दड। पुलिसआ गंने न'आव बोखानो हानाय सा 7 थैनाय सुबुंफोरनि सिनायथिखौ फोसावाखै।

म्यानमारनिफ्राय मिज 'राम खारबोनाय सा 184 सान्थिफोरखौ दैथाइ हरफिननाय जाबाय

आइजल, 23 जानुवारि : म्यानमारनिफ्राय खारबोनाय भारतआव हाबफेनाय सा 276 सान्थिफोरनि सा 184 खौ समबारखालि हादतआव दैथाइहरफिननाय जायो। म्यानमारनि बिसोरनि सान्थिफोर थानाय सप्ताहयाव मोनसे हारिमायारि बिग्राय हान्जाजों गुलि गाक्जलायनायनि उनाव सिमाना बरानानै मिज 'रामआव फेदोंमोन। आसाम राइफल्सनि सासे बिबानगिरिनि बायदिब्ला, समबार आरो मंगलबार सान्सेसिमाव सोलिहोनाय हाबाफारिफोरनि गेजेरजों म्यानमारनि सान्थिफोरखौ हादतआव दैथाइहरफिननाय जायो। आसाम राइफल्सनि बिबानगिरिफोर फोरमायदोंदि, सा 184 सान्थिफोरखौ म्यानमार अखांमा सान्थिनि उं जाहाजजों आइजलनि साखाथि लेंगपुइ उं गाथोननिफ्राय नसुंसे हादतनि राखीन राइज्ज्योआव सिटवेसिम दैथाइहरफनाय जायो। बिसोर गासिबौ थानाय 17 फेब्रुवारीखालि हाथियार आरो गुलि-बारदजों



लोगोसे खोला मिज 'रामनि लंटलाइ जिल्लायव भारत-म्यानमार-बालादेशआव थानाय बांडुकबंग गामियाव हाबहैयो आरो आसाम राइफल्सनि आखायाव हमजायो। बिबानगिरिफोर फोरमायनाय बायदिब्ला, थानाय बोसोरनि नभेम्बरनिफ्राय सा 635 म्यानमार सान्थिफोरा हादत नागारना मिज 'रामआव हाबफेदों। आसाम राइफल्सनि बायदिब्ला सा 359 सान्थिफोरखौ गिबियावबो हादतआव दैथाइहरखांवाय।

फेब्रुवारी/2024 दाननि थाखाय इ-निलाय हाबाफारि

डेपुटिसिमाव/डिनि बडाहानि वंखानव रेलनि बोखारबानाय मुजा-बेसादफोरखौ फानो थाखाय फेब्रुवारी/2024 दाननि थाखाय इ-निलाय हाबाफारि थि खालामनाय जादों आरो 06-02-2024, 13-02-2024, 16-02-2024, 20-02-2024, 23-02-2024 आरो 28-02-2024 अकट'आव खुनाय जागोन। इ-निलायआव बाहागो लानो थाखाय गोसो पुंदि बिदारफोरखौ आइआरफिप्स वेबसाइट (www.ireps.gov.in) नि गेजेरजों टेक्स्ट होनो थाखाय बोसोन होनाय जादों।

डेपुटि सिफ मुजा-बेसाद सावलायगिरि/डि/डि/डि/डि बडाहानि हाबाफारि सा-आन्था सिमाना रेलवे

"मिनिरुयै वाहकफोरनिअसि सिबियाय"

नेताजी सुभाष चन्द्र बसनि जोनोम सानआव बिथानि आगोमा आरो हदर अनफावरि बिग्रायखाडारि सान्त्रिफोर

भारत हदरनि उदांसि हास्थायनानै ब्रिटिसनि हेँथाये गोखों सासे दावहारु सुभाष चन्द्र बसनि दिने जोनोम सान। बिथाड 1897 माइथायनि 23 जानुवारिआव जोनोम जादोंमोन। भारतखी उदांसि मोनहोनायाव बिथानि बिहोमा होनायखी हदरआ माब्लाबाबो बावगारनो हाया। बिथाड हदरखी उदां खालामनो थाखाय इराजफोरजों आलादा लामाजों दावहा नांदोंमोन। सुभाष चन्द्र बसआ आजाद हिन्द फौज मुनि मोनसे सान्त्रि हान्जा दादोंमोन, जायफोर दावहा नानानै बारतखी उदां खालामनो नाजादोंमोन। बिथानि दैदेनायाव नों आंनो थै हो, आं नोंनो उदांसि होगोन बायदि स्लगानजों उदांसि दावहायाव लाइमोनफोरखी बाहागो लानो थुलुंगाखां होदोंमोन। बिथानि जोनोम साननि खाबुआव जों दिने बिथानि माखासे जो होलाव-दावहारु नि मख'जाथाव सान्त्रिफोरखी मिथिनो मोनगोन। सुभाष चन्द्र बसनि आगोमा सान्त्रि एबा सान्त्रिफोर जादों-



सान्त्रिआ बिनि थैनायनि उनाव रोजा-रोजा सुबुफोरनि जिउआव गोहोम खोख्खैगोन।
(2) इसिडारि नेमखान्त्रिखी गोसोआव ला-जुदि नों माबा मोन्नो लुबैयोब्ला, नों माबा होनांगोन।
(3) जायनि गोबोंआव अजद थाया, बियो माब्लाबाबो गेदेमा जानो हाया।
(4) आं जिउआव माब्लाबाबो प्लेटारि खालामाखै। गुबुनफोर मोजां मोन्नाय बायदि बाथाफोरखी आं बुंनो रोड।
(5) गोसोआव अराय लानांगौदि, अन्याय आरो गोरोन्थिजों गोरोबथा

खालामनायनि देरसिन जेबो दाय गैया।
(6) गोजाँ सान्त्रि एबा सान्त्रि - ह न अ य जों लोरबांथिफोरा जानगार जायो। जों जेब्लाबो गोजाँ थाखोनि सान्नायफोरखी सानबाय थानांगौ।
(7) जोंनि दावबायनाया जेसेबांखि गिखंथाव, दुखु-दाहा गोनां आरो सैनांनय जायामानो, जों आवगायलांबाय थानांगौ। जाफुंसारनायनि सानआ गोजान जानो हागौ, नाथाय बेयो फैगोनआ रोखा।
(8) जाफुंसारनायनि सिरिआ जाफुंसारनि गेजेरजों बारलाडे।

(9) जुदि नों सोरनिबा साखाथियाव माखासे समनि थाखाय गंग्लायनांगौबो जायोब्ला, जोहोलावफोर बादि गंग्लाय।
(10) जिउआव दावहा गैयाब्ला आरो गिनायजों मोगा-मोगि जानाडब्ला जिउनि खावसे स्वादआनो जोबलाडे।
(11) समनि सिगां मावनाया मोजां नड, बेयो बबेबा बिफां एबा सुबुडनो जायामानो बिनि खहाखी उनाव भुगिथारनांगौ जायो।
(12) आसा-मिजिनि माबा नड माबा सोरां लामा थायो।

फरायसुला आं

फरायसा जीउ आं बे बुब्लिआव नड रंजानायनि बे मुलुगाव। थांखि दड आंहाबो बे उजिआव जीउखी लानानै सोरां खालामनायनि। मैयासो गोरलैमोन आं-दिने जाबाय आंबो अनसुला फरायसुला। गोदोसोना थानाय बर' हारिखी' फरायसा जाना बोखांफिननो आंबो थियारी। गोसोनि आयनायाव, बोनाय सावगारी जाफुंगोन दा बियो सानसे आं बुंस' हाया। गोसोनि मन्दिराव बारनाय बिबारा, गेवलांगोन दा बियो सानसे आं बुंस' हाया। बर' आ हारिखी सिनायनो रोडबोला बर' बिमानि रावखी लाया बोला-बे बुहुमाव जों खीसे जायाब्ला जों अराय आनदाय नांगोन।

मुसि पवन ब्रह्म

दोंथाम लिमारिक

(क)

गंगा हलाव बर' सिनिमा जादों, सेंग्रा सिख्लाफोरा उरां फारां जाथारदों, आंखाम उखैया दैबो गाड जाथारदों माब्लादि जरा जरा आखाय हमज्जलायना-सिनिमा हलाव सिनिमा नुगोन, बिनिमो अराय सानथारलायसै।

(ख)

साफारा गामिनि फेंखु दाखं, थाबायनाया बिनि दाखं-दुखुं हिन्जावखी गोसो थोगारबाय बियो बाब्रि आवला-दसेनो गोसो थोब्रबो, दसेनो गारखबो-रावजोंबो मोजां बुंजाला गावनि आखलावनो सिख्लाफोर नुब्लाथाइ-बार 'स'नि फनखी दिहुनप्लग्रा

(ग)

जों लागोनि सामा गोरान सोलेरा बिनि थैहां-बर' हां सिकुरिटि गार्डआव इन्टारिभउ होदों-गोजौआव मोफौ गाहायाव बाहागो जागोनखि-जाया-बिफानाव रां दाबिदों बा रोजा रां बिफाया खिलामा गावब्राबाय फिसाज्जलाया बाखु दावबाय।

मुसि मैखोम दैमारि उमानन्द गोजौ फरायसालि खासफुर (हालांजाजार)

बावनो हाया

मिथिंगानि बे बहुम बिखायाव नोंनि हाइलोलो महरखी नुनानै, आं माबौरै बावनो हानो, नोंनि बे फेलैबसे अन्यायानो आंनि गोसोखी खामरिल होबाय, आय' सिख्ला सोर नों ? नुहां-नुवाहां बरे सिखिरिफोर बायदि हाइला-हुइला मोसाफैयो नों आंनि बिखा गोरबोयाव। गोसो सिनि दावहाथिलियाव नोंनि बे मोजोमसे अन्याय, आंनि बे गोसो गोरबोयाव दान्दिसेनि थाखायब्लाबो नोंनि बे अन्यायखी बावनो सानब्लाबो बावनो हायाखे आंनि बे जिउखी फैमाल दाखलाम नों। माबायदि बिष सोनानै होलांखो आंनि बे गोसो गोरबोयाव सहायनो हायाखिसै आं नोंनि बे फेलैबसे अन्यायखी आय' सिख्ला सोर नों ?

मुसि गुथाल बर' दतमा गोजौसिन फरायसालि

हावरिया खाफाल

आय जिउ नोंनि बेसेबा दुखु-दाहा हांमा बुंस' हाया फोरमायस' हाया नोंनि जिउ दैथुनखी। हास्थायनाय दंमोन नोंहाबो दिनेनि मुलुगुआव आगान सुरलांनो मिजिक दंमोन नोंहाबो गंसे दिड जावलांनयनि, नाथाय गैया दिने... आगोनफ्रोम दुखुनि फाखनाव गिदिनांबाय मिजिकखी लानानै आलाइ-सिलाइ। नागिर बायो नों गुबुननि साया गैया नाथाय नोंजों लोगोयाव मोनाखेसै नों सुखुनि देखो खुसिनि मेथाइ, खालि नुबाय नों गावजों गाव नासयनाय, मुगैलायनाय गावनाय दुखु दाहानिल' देखो।

जनन कुमार बसुमतारी गामि: सा थाइगिरगुरी (खुंग्रिं)।

रंजालि गथ'फोरनि सौरा

लाभआनो आंनि बेसेन गोसा

लाभआनो आंनि गोसोखी बोयो, गोरबोनि खुगाखी लाभआनो बेखेवो आंबो गोसोखी गोजोननायसो मोनो। लाभनि साबसिन आंहा बे जिउआव मोजां मोननाय गैला... लाभआनो आंनि सोदोब बिहुं, बेनो आंनि माहिनि फुंखा। लाभजोंनो आंनि खन्थाय सल'!.... बेनो आंनि जिउनि मोनसे हबि। बेनो आंनि सान्त्रिखी फोथैनाय नड, थाबाय थागोन अराय समनि थाखाय... सोरबा फिननाय होनो हागोन दा बे-लाभआव माखी नायनानै मोजां मोनो ? नाथाय आं माखी नायनानै मोजां मोनो आं मिथिया आरो फिननायबो होनो हाया। आंनि थाखाय फिननायबो गैया नाथाय लाभ आनो आंनि फेब 'राइट मोजां मोन्नाय। लाभनि समा बेसे गोबाव ? नाथाय आं फिननाय होनो हानाय नड। लाभआ जोबनोबो रोड थैनोबो रोड बेनो गिबि बेनो जोबथा।

मुसि एस.टि मसाहारि कक्राझार गामि-झारबारी जिल्ला-कक्राझार, बिटिसि।

रजेनि सावगारि

आंनि गोसो बल बामआव नों बारसे गलाप बिबार थारै सान अखाफोर आरो बैसोमुथिजों रुजुयोब्ला नुवा जेबो फाराग। रजे !..... नों आंगोनिबो आंगो बेयोदि आंनिल' नड बयनिबो समायना बुहुम बिखायाव सोरजिनि..... नों सुखु-दुखुनि थान्दै, सोमखोर गोथां मेगननि हाबिलायाव थारैनो होबोदों नों आंनो मिलोहाब बरे बिदै रैसुमै खहाब। रजे..... जिउनि जोबनो गैथै आगानाव गोजान खाथि हांखायो दुखु-हांमा हांसानि समाव दान्दिसे मोन्नो हास्थायो। रजे..... थाफै नों जेरावखि जाया था नुफा-माफा साया-माया मिथिंगा बिखायाव सान-अखाफोर हाथखि-हालाफोरा जैरें रंगिना आबिरखी सारफावदों रजे था दिदोम नोंबो अराय सम मिथिंगानि आन्दोयाव।

कमल मुछाहारी गामि: खुंग्रिं ला:सो: खुंग्रिं जिल्ला: चिरां

बादारी

मेंसुला आय' नोडे बादारी खानानै नाव माथो दड नोडे उन्दुनानै! सिखांदो बादारी, सिखांदो नोडे, मेंसुला नोंहादि साना गैलिया। बिरबो गो जेमैया खोमसिया साग्लोब बोगौ। सिखांदो उन्दुनो समा गैलिया। नुदों नोडे आय' गाथोन सेराव, गोमोहाव गोसोजों सिमां बेसे, नाथाय हालिया, जानाय नलिया सिखांदो उन्दुनो समा गैलिया। फोजा खांदो फोरजा फिसाफोरखी जिउखी गथायना बारसोमहैदो दाफासय सुथुरखी नुनानै, सोमखे दाखलाम बर' बिमाखी सिखांदो बादारी उन्दुनो नोंहा सम गैलिया।

सोमखोर बसुमतारी हेल अन्थायबारी गोजौ फरायसालि गामि: धहोनगुरी जिल्ला: कक्राझार।

गोरोबनै खन्थाइ

देरहानायनि नाजानाया हरदम समाव फेलें जाया

नों हानथिनाय लामा सेर सेर लोगो मोनगोन मोजां बायगर

जिउनि सैनायनि अनसेमा जा बादि हावार लैथोमा

नों सोरजिनो थाखाय लिरथि जानोबो नांगौ दिखारथि

दुखुनि गोथो लैथोमा रेबोबा जायो खन्थाइमा

दुखुनि गोथो लैथोमा सोरजिबा जायो सल'मा

मोनसा मोनसि मोनलाय लायनाय सुबु जिउवाव थाखा थारनाय

बे मोनसा मोननायखी रावबो हायाखै गारनो सानबाबो

मानिबा मिजिं मोनैआव मोनसा सोमजियो गोसोआव

दैदोम बर', माजदिया, बगुलामारि बाक्सा

जखाइसे लिमारिक

(1)

जोंनि गामिनि सेंग्रा खावब्लाफोर बिसोरो नायो खालि सिख्लाफोर। क्लास लादों फोरोंगिरिआ, नायहरदों सिख्लाफोरखी फरायसाफ्रा, बिबायदिनो जाबाय दानि फरायसाफ्रा।

(2)

दानि जुगनि सेंग्रा माखा सिख्ला बासिनायावबा आखा-फाखा सेंग्रा बैसोआवनो हाबालादों गावनि लोगोफोरा नुब्लाथाय बोरायसो होनसै बेबादिनो जाबाय खामानि-दामानिआव आसखान्दा।

(3)

कक्राझार सहरनि आगै फांदां नोंखी मोन्नानै आंहा लांदां सिख्ला सासे बारग होनो हाला बिमा थैब्ला होनसै बारगबाय साला दानिया आमो खिखी मोनसै गोसोजों लांरां।

(4)

आजिखालिनि सिख्ला माखासे लोगोआव जेब्लाबो मबाइल गंसे बिमा-बिफाफ्रा खलेज फरायनो थिनहरदों फिसाजोफ्रा हजों सेंग्राफोरजोंसो दोनखारलां जादों बिदिखायनो हिन्जावखी लानो बालायबाय खायसे।

मुसि सानसुला ब्रह्म दतमा गोजौसिन फरायसालि गामि - भालुकमारि।

जिउनि अनजालु

नों आंनि जिउनि मोदायजो अनजालु मोजां मोनदोंमोन आं नोंखी अनजालु सानाखेमोन आं नोंखी बिबि जागोन होना। अरायबो सानो आं नोंखी आंगो बावनो हाया आं नोंनि अन्याय। जाखं फेयो सिमां मोकथां जेब्लाबो नोंनि महारल' अनजालु नुफा-माफा, जोंदि सानैजों बेसेबां मोजां मोनलायोमोन आरो बेसेबां अनलायमोन आंगोनि साननानै। आंनि गोसोखी उसाव-बादाव खालामबाय थाफैयो नों अनजालुआ, नोंनि अननायखी बोरै बावनो हाबावनो आं अनजालु सिमां मोकथां जाखं फेयो नोंनि महर। बुजिसनो हायासै आं अनजालु मानि थाखाय नों आंखी मानो बावगार लांखो। गोरोन्थिआ आंनि नड अनजालु नोंनिसो गोसोखांब्ला फागिल बायदि जायो आं अनजालु आंनि बे हास्थायनाय गोसोआ आंनि जिउनि मोदायजो अनजालु।

मिस सानसुलि बसुमतारी गामि-गाग्रगुरि जिल्ला- कक्राझार बिटिडि आसाम

गाहाइ मन्थिनि परीक्षा पे चर्चानि लोब्बाजों पिएम श्री केन्द्रीय बिद्यालयआव सावगारि बोनाय बादायलायनाय खुंदों

तामुलपुर, 22 जानुवारी: पिएम श्री केन्द्रीय बिद्यालय, तामुलपुरआव दिने नेताजी सानजों लोब्बा लाखिनाने गाहाइ मन्थिनि परीक्षा पे चर्चा हाबाफारिनि सिडव बिज्ञान, गेलेमु, जोगाखों भारत बायदि माखासे आयदाफारिनि सायाव मोनसे सावगारि आखिनाय हाबाफारि खुंनय जायो। फुंनि 10 रिंगायाव सावगारि आखिनाय हाबाफारिखों बेखेवनाने होयो फरायसालिनि गोरायुं रजु कुमार दासआ। हांखायजानाय आलासि महेर तामुलपुर फरायसालिमानि गोरायुं ऊ जगेन बसुमतारिआ बाहागो लायो। केन्द्रीय बिद्यालय, तामुलपुरनि आरिसु बिफाननि फोरोंगिरि रोसन कुमार, लोगो फोरोंगिरि अरुन कुमार यादबनि दैदेनायाव थाखो 9 आरो 10 थाखोनि फरायसाफोरनि गेजेराव खुंनय सावगारि आखिनाय बादायलायनायाव केन्द्रीय बिद्यालय, तामुलपुर हिन्जावसा गोर्जा गेजेरारि फरायसालि, शंकरदेब बिद्या निकेतनजों लोगोसे तामुलपुर जिल्ला सदरनि फरायसालिफोरनि गोबां फरायसाफोरा बाहागो लायो। केन्द्रीय बिद्यालयनि गोरायुंआ फोरमायनाय बादिब्ला, फरायसाफोरखों आन्जादिनि समाव मोगा-मोगि जानानाय मेलेमारि नारसिन्थायनिफ्राय उदां खालामनो हदरतिनि गाहाइ



मन्थि नरेन्द्र मदिआ आजावनाय परीक्षा पे चर्चा आयदानि हाबाफारिनि बाहागो महेर बे सावगारि आखिनाय बादायलायनायाव खुंनय जादों। दिनेनि सावगारि आखिनाय बादायलायनायाव बाहागो लानाय फरायसाफोरनि गेजेराव सा 5 साबसिन फरायसफोरखों सायख'नाने गुवाहाटीआव खुंनो गोनां उनि बादायलायनायाव बाहागो

मिज 'रामआव म्यानमार सान्थिनि गंसे उरांआ जाब्रबथाइ जादों

आइजल, 23 जानुवारी : मिज'रामनि लेंपुइ उरां गाथोनाव वार्मिस सान्थिनि गंसे प्लेनआ क्रेस जायो। बे जाब्रबथाइयाव सा 6 सुबुंफोरा जोखोम जायो। खौरनि बायदिव्ला जोखोम जानायफोरखों लेंपुइ देहा फाहामसालियाव थिसनाय जादों। मिज 'राम डिजिपिआ फोरमायनाय बायदिव्ला, जाब्रबथाइ जानाय उरांआव पायलटजों लोगोसे सा 14 सुबुंफोर दंमोन। गिबि रिपटनि बायदिव्ला जाब्रबथाइ जानाय उरांआ म्यानमार सान्थिनि जवानफोरखों लांनो फेंदोंमोन। म्यानमारनि बिसोर सान्थिफोरा सिमना बारनाने भारतआव हाबफेंदोंमोन। बिसोरखोंनो लांनो फेंनायाव लेंपुइ उरां गाथोननि रानवेआव बागलायनाय समाव उरांआ क्रेस जायो। मख 'जाथावदि, थानाय सपत्ताहयाव गासे सा 276 म्यानमारनि



सान्थिफोरा मिज 'रामआव हाबफेंदोंमोन। बिसोरनिनो सा 184 खों समबारखालि दैथाइहरफिनाय जायो। सान्थिफोरखों आइजलनि साखाथियाव थानाय लेंपुइ उरां गाथोननिफ्राय म्यानमारनि राखिन राइज्योनि सितवेसिम म्यानमार अख्मां सान्थिनि उरांजों लांनय जादों। आद्रा थावनाय सा 92 सान्थिफोरखों दिने लांनो फेंनाय समावोनो

लानो दैथायहरनाय जागोन होन्नानैबो गोरायुंआ फोरमायो। बे बादायलायनायाव जाफुंसारनो हायोब्ला फें गौ 29 जानुवारीआव गोदान दिल्लीयाव खुंनो गोनां परीक्षा पे चर्चा आयदानि मिरुयारि हाबाफारियाव बाहागो लानो हानायनि राहा खालामनाने होगोन। बे सावगारि आखिनाय बादायलायनायाव सायख 'गिरि महेर कक्राझार संगित आरो आरिसु फरायसालिमानि प्रफेसार तपन पखरेल, निशा सरकार आरो तामुलपुर फरायसालिमानि राजखांथि बिफाननि लोगो प्रफेसार नेरसोन नाजरीआ बाहागो लायो।

तामुलपुरनि दाब-दाब जायगायाव नेताजीनि 127 थि जोनोम सान फालिदों



तामुलपुर, 23 जानुवारी: तामुलपुर जिल्लानि दाब-दाब जायगायाव आजाद हिन्द फौजनि गायसनगिरि नेताजी सुभाष चन्द्र बसुनि 127 थि जोनोम सान फालिनाय जायो। नारायणपुर बिबेकानन्द संघनि दैदेनायाव नेताजीनि जोनोम सानजों लोब्बा लाखिनाने थानाय 20 जानुवारीनिफ्राय बायदि गेलेमु हाबाफारि खुंनोनायजों लोगोसे दिने फुंनि 8 रिंगायाव नेताजी जोनोम साननि फिरेफि लाखों बिरहोयो बिटिसिनि मावफुं सोद्रोमा धर्म नारायण दासआ। बेनि उनाव ओन्सोलनि राइजो-राजाफोरनि हेफाजाबाव नेताजीनि सावगारिखों लानाने हान्जा सुरनाय हाबाफारि खुंनय जायो। सानजौफुयाव ओन्सोलनि गागि समाज सिबियारि दुलाल शाहाआ दैदेनायाव खुंनय गेवलां मेलाव थिखांनाय बुंथिगिरि महेर दुलाराइ आसाम बेंगलि लाइमोन फरायसा आफादिनि बार। गाहाइ नेहाथारि सुरेश सरकारआ बाहागो लायो।

बे बायदिनो दिने गुवाबारिनि हस्तिनापुर शान्ति आश्रमआवबो नेताजीनि जोनोम सान फालिनाय जायो। फुंनि समाव नेताजीनि सावगारियाव बिबार बाउनायजों लोगोसे बायदि गेलेमु हाबाफारि खुंनयनि अनगायेंबो सानजौफुनि 1 रिंगायाव मन्जित सरकारनि आफादिगिरि मासि सामब्लायनायाव शान्ति आश्रमआव गेवलां मेल खुंनय जायो। ओन्सोलनि गागि समाज सिबियारि ७ उत्तम दासआ बाहागो लानाने नेताजीनि जिउ जादिमनि सायाव गावनि बिबुंथियाव गुबरे फोस्मायथिनाने होयो। बे बायदिनो दिने खैराबारि गामियावबो नेताजी संघनि बान्जायनायाव फुडाव नेताजीखों गोसोखांथिनाने ओन्सोलनि उन्दे-उन्दे गथ 'साफोरनि गेजेराव बायदि गेलेमु बादायलायनाय हाबाफारि खुंनय जायो। गुबुन फार्सेंथिं, काउलि ओन्सोलनि गेलेग्रा फोथारावबो दिने नेताजीनि जोनोम सानजों लोब्बा लाखिनाने लकप्रिय संघनि बान्जायनायाव सानब्रैनि सान-हर क्रिकेट बादायलायनायखों जगायजेनाय जायो। हाबाफारि बायिबे बेलासियाव फिरेफिला बिरहोनाय, नेताजीनि सावगारियाव बिबार बाउनाय, आलारि बाथि फोर्जोनयनि उनावनो गुबुन गुबुन हरि-माहारिनि मोसानाने दिन्थिफुंनयजों सानब्रैनि सान-हर क्रिकेट बादायलायनायखों जगायजेनो। समाज सिबियारि दुलाल साहनि दैदेनाय क्रिकेट बादायलायनाय बेखेवनय हाबाफारियाव ओन्सोलनि 2 नं सान्जा कु मारिकाता भिसिडिसिनि गोरायुं शंकर दास, दिपांकर भट्टाचार्य, समाज सिबियारि परिमल शिल, कृष्ण पुद्द, जिवन चक्रवर्ती, नेपाल दास, बिश्वनाथ गुहपाल, जतिन सरकार, नारायण सरकार, गेलेमु आफादिनि आफादिनि मिथु दास, ओन्सोलनि गामि बोरायजों लोगोसे गासे सा 500 निबो बांसिन राइजो-राजाफोरा बाहागो लायो।

(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

गिबि मन्थि ७० हिमन्त बिस्व शर्माआ जरहात आरो देरगावआव एनएफएसएनि गेजेरजों ...

मोनफ्रोमबो जुनिया मोन्थाय मोन्नाय थाखोफोरनि थाखाय खामानि मावगासिनो दं। बेनि मोनसे बाहागो महेर राइज्यो सरकार आयेन आफादिनि सिडव गोदान मुलाम्फा मोनग्राफोरनो रेसन कार्ड रानायनि मोनसे थांखिगोनां आगान लादों। बिथाड बेखोंबो बुंदोंदि, जरहात बियाबआव थानाय बोसोरनि डिसेम्बर दानसिमाव गं 1,77,651 नख 'रफोरनाव रेसन कार्ड दंमोन आरो बेनिफ्राय सा 5,02,195 सुबुंफोरा मुलाम्फा मोननाय थानो हदों। नाथाय बे खेबआव जरहात बियाबआव गं 34,459 नख 'रफोरनो गोदान रेसन कार्ड होनो राहा लाग्गासिनो आरो बेनि फिथाय महेर आरोबाव सा 1,19,049 सुबुंफोरा मुलाम्फा मोनो थांगासिनो। गिबि मन्थिआ दाजाबनाने बुंवावोदि, मुलाम्फा मोनग्राफोरनो गोदान कार्ड रानाया दावबायनायखों मोनसे जर 'खा थुलुंगा होगोन। हदरनि गाहाय मन्थि नरेन्द्र मदिनि नोजोरजों जोगानाय भारतखों जगायजेनदोंमोन। बिथाड बुंवावोदि, राइज्यो सरकार गैजरोडफोरनि जोगाथायनि थाखाय खामानि मावगासिनो दं। समाजनि गासे थाखो आरो राइज्योनि साफ्रोमबो सुबुंनि थाखाय आदार रैखाथिखों रोखा खालामबाय होन्नाने फोरमायबावो। आसामनि रांखाथि मन्थि अजन्ता नेउग, एमपिफोर कामाख्या प्रसाद तासा आरो तपन कुमार गौ, एम.एल.एफोर हितेन्द्रनाथ गोस्वामी आरो भबेन्द्र नाथ शङ्किक्या, थंगल कचारी अट 'नमास काउन्सिलनि सि.इ.एम. प्रताप कचारी आरो गोबां गुबुन गेदेमा सुबुंफोराबो बाहागो लादोंमोन। बेनि उनाव जरहातआव गिबि मन्थिआ लुबाय थानाय एबा मावगासिनो थानाय मावथांखिफोरनि दावगानायनि खौरं लायो आरो जरहात साकिट हाउसआव खुंजानाय मोनसे मेलाव बाहागो लानाने जिल्लायाव गोबां जोगाहोनाय मावथांखिफोरनि सायाव खौरं लायो। बे जथुमाव बीर लाचित बरफुकननि मुसुखाजों लोगोसे सोलिबाय थानाय मावथांखिफोरनि सायाव सावरायनाय जादोंमोन। बेनि उनाव गिबि मन्थिआ देरगावआव खुंनय हाबाफारियावबो बाहागो लानाने बुंदोंदि, दिने देरगाव बियाबआव मोन 4,505 गोदान रेसन कार्डफोर रानो आखायाव लादों। देरगाव एलएसिआव मुलाम्फा मोनग्राफोरनि गासे अन्जिमाया सा 13,787 सिम जाबाय। बिथाड बेखोंबो बुंदोंदि, राइज्यो सरकार गाहाय मन्थिनि नोजोर गोनां दैदेनायाव जोगानायनि थाखाय गोबां हाबाफारिफोर लादों। देरगावआव थाबेनो गंसे गोदान फरायसालिमानि अन्थाइ खाम्फा गायसननाय जागोन आरो राइज्यो सरकार देरगावआव मोनसे अडिटरियाम गायसननायनि बिथांखि दं होन्नाने गिबि मन्थिआ देरगावनि राइजो-राजाफोरनो खोथा होयो। बिथाड बुंवावोदि, सोलिफु बोसोरनि 1 मेआव देरगावखों महखुमा महेर जोगाहोगोन होन्नाने बिथाड फोरमायो।

देरगावनि लामा जाब्रबथायाव जिउ गोमानाय...

बुडे। गिबि मन्थिआ गामिनि राइजो-राजाफोरनि सिगाडव फोरमायनाने होयोदि गाहाइ मन्थि नरेन्द्र मदिआ बिथांखों टेलिफोननि गेजेरजों बे जाथाय सोमजिनयनि उनाव दुखु फोरमायहरनाने साफ्रोमबो जिउ गोमानाय सुबुंफोरनो 2.5 लाख राइडे मिरु सरकारनिफ्राय हसनयनि बाथा फोसावदोंमोन। गिबि मन्थिआ बसा भरलुवा गामियाव नुजाथिहैनाय समाव रांखाथि बिफाननि मन्थि अजन्ता नेउग, एमपि कामाख्या प्रसाद तासा, एमएलए भबेन्द्र नाथ भरालि आरो बिश्वजित फुकन मोनहाबो बाहागो लायो।

कक्राझार बातिपारा गामियाव आम आदमि ..

फैबाय थानाय लक सभा बिसाइख 'थिखों नोजोर होनाने लक सभा बिसाइख 'थिनि थाखाय बिबान मोन्नाय नर्थइप्टनि इनसार्च राजेश शर्माया बाहागो लाफेंदों। गामि-गामि हाबनाने सांग्राथि हाबाफारि बान्जायगासिनो थादों आम आदमि पार्टिआ। फेंगो लक सभा बिसाइख 'थिखों नोजोर लाखिनाने आम आदमि पार्टिआबो गामि-गामि राइजो-राजाफोरनि गेजेराव जांखिथाइ लाबोनो जागायदों। लक सभा बिसाइख 'थिनि थाखाय कक्राझारनि इनसार्च अजय नाजरीनि दैदेनायाव कक्राझारनि दाब-दाब जायगायाव थानाय माखासे सानफोर सिगानिफ्रायनो गामि-गामि हाबनाने राइजो-राजाफोरनि जेनाफोरखों मिथिनाने लादों आम आदमि पार्टिआ। दिनेबो कक्राझार सदरनि साखाथि बातिपारा गामियाव आम आदमि पार्टिआ गामिसिम दावबायनाय हाबाफारि लानाय जादों। दिनेनि गामिसिम दावबायनाय हाबाफारियाव बाहागो लाफेंयो नर्थ इप्टनि इनसार्च राजेश शर्माआ। गामि गामि दावबायनाय हाबाफारिया जोबनायनि उनाव बातिपारा गामियाव राइजो-राजाफोरखों लानाने मोनसे मेल खुंनय जायो। मेल आव नर्थ इप्टनि इनसार्च राजेश शर्माया आम आदमि पार्टिनि सरकार सालायनाय दिल्ली आरो पान्जाब राइज्योआव राइज्यो सरकारा सरासनन्सा राइजो-राजाफोरनि थाखाय माबायदि अनसाइलु खामानि मावदों बेफोरनि सोमोन्दे गुवारि फोरमायनाने होयो आरो फैबाय थानाय बिसाइखिफोरिव आम आदमि पार्टिनि बिजथिनो भट होनो थाखाय बयखोंबो खावलायो। फैबाय थानाय समाव आम आदमि पार्टिनि भट होनाने देरहासार खालामोब्ला, राइजो-राजाफोरनि थाखाय दिल्ली राइज्योनि बायदिनो आसाम आरो बड 'लेण्डआवबो सोलोंथाइ खोन्दोखों जोगाखाहोगोन, बेसेन होनाडे मौब्लिव जगायनो आरो गोगो लोंग्रा दैनि जेनाखों बोखानो थाखाय राइजो-राजाफोरनो खोथा होयो आपनि दैनेगिरि राजेश शर्माया।

बर 'फोरखों जौसे जौखोन्दो हानि बिगोमा खालामथारनायाबो..

ओन्सोलनि थानाय 40 बोसोरनि बर 'फोरनि देरसिन हानि जेनाया 100 जौखोन्दो आबुडे'सुसांजाबाय। बे हाबाफारियावबो दुलाराय बर 'फरायसा आफादिनि आफादिगिरि दिपेन बर 'आबो हांखायनाय लेखाय बुंथिगिरि महेर बाहागो लादोंमोन। बुंथिगिरि महेर बाहागो लानाने बिथाड भारतआव एफआरए 2006 आयेना फेंखांनायनि उनावबो आसामाव बेखों इसेबो मावफुंनो नाजानाययखों नुनो मोनाखेंमोन होन्नाने फोरमायो। बेनिखायनो बर ' आरो ट्राइबेलफोरनि हानि जेनाखों अरायनि थाखाय सुखानो थाखायनो बिटिआर गोरबथायाव 5.3 दफाखों लाबोनय जादोंमोन आरो दिने बिस्वनाथ जिल्लायाव हानि फोरमान बिलाइ होनायाबो गोरबथानिनो मोनसे दफा मावफुंनय होननाने आसाम आरो बड 'लेण्डआव थानाय बर 'फोरखों जौसे जौखोन्दो हानि बिगोमा खालामनो थाखायबो बिटिआरखों गोरबथा खालामनाय गुबुन मोनसे थांखिमोन होन्नाने सिमा बारायनायनि खामानिखों खोथा होनाय बादि जागायफिनो सरकारखों दाबि दैखोंबावयो। हानि फोरमान बिलाइ रानाय हाबाफारियाव गहपुर समस्टिनि एमएलए उतपल बरा आरो एबसुनि बोसोनगिरि खुंखा स्वर्गियारीयाबो बुंथिगिरि महेर बाहागो लादोंमोन।

सालबारि-भवानिपुरआव गोथार बाथों सान ...

नेताजीनि आदर्शजों मोनसे जाफुंसार समाज दाफुंनयनि थुलुंगाखों अरायबो होलांगोन होन्नाने खौरं बिजोंनि सिगाडव फोरमायो। बेलासियाव गसाइगाव नाथ मन्दिनि लांगोनायाव दुलाराइ बिटिसि बेंगलि लाइमोन फरायसा आफादिनि बान्जायनायाव खुंनय नेताजीनि जोनोम सान फालिथायाव गाहाइ आलासि महेर गसाइगाव नोगोर आफादिनि लेडइ आफादिगिरि रजिव देबनाथआ बाहागो लानाने नेतजीनि सावगारियाव बिबार बाउजेनो आरो आलारि बाथि फोर्जोनाने सिबिनाय बाउबो।

कक्राझार जिल्ला बि पि एफ बेंगलि चलनि बान्जायनायाव ...

गोनां हाबाफारिजों फालिनाय जायो। जोनोम सान फालिनाय हाबाफारि बायदिने फुंबिलि समाव गेदेमा नेताजि सुभाष चन्द्र बसुनि सावगारियाव मान बाउनायजों लोगोसे माहारियारि फिरेफिला बिरहोयो। हाबाफारियाव आलासि महेर बाहागो लानाने माहारियारि फिरेफिलाखों बिरहोयो आसामनि बारग' मन्थि प्रमिला रानि ब्रह्मआ। जोनोम सान फालिनायनि लोब्बायेंनो गथ 'फोरनि सावगारि आखिनाय बादायलायनाय, हान्जा सुरनाय हाबाफारिजों लोगोसे नेताजि सुभाष चन्द्र बसुनि बिहोमा, सान्थी आरो सानस्त्रिनि सायाव मोनसे सावरायनाय आयदा लाफानाय जादों होन्नाने फोरमायदों कक्राझार जिल्ला बेंगलि चलनि आफादिगिरिआ। बे जोनोम सान फालिनाय हाबाफारियाव बाहागो लानाने आसामनि बारग' मन्थि प्रमिला रानि ब्रह्मआ गावखों हांखायनायनि थाखाय गोजेनायजों बान्जायगिरिफोरनिमिस साबायखर जासियो। लोगोसे दानि जाखांफुनाय आरो इयुन जौलैफोरखों नेताजि सुभाष चन्द्र बसुनि बिहोमाखों गोसो खानाने बिथांखों जेब्लायबो सनमान होलांबाय थानो खावलायो। हाबाफारियावबो आलासि महेर बाहागो लाबावदों बिटिसिनि एमएसिएलएफोर मुन मुन ब्रह्म आरो प्रकाश बसुमतारि आरो कक्राझार हालामनि गोबां राइजो राजाफोरा।

सानसेनि मेहेर गोनां हाबाफारिजों गोथार बाथों ...

आफादिगिरि तिकेन्द्र बसुमतारिआ। बेनि उनाव समाजनिफ्राय गात्रि गोहोखों होखरानाने गोजेननि थाखाय बाथों थानसालिनि लांगोनायाव जुथाय आर 'ज गाबनायनि अनगायेंबो बायदि बायदि हाबाफारिजों गोथार बाथों सान फालिनाय जायो। मख 'नो गोनांदि, बाथों साननि मोनफ्रोमबो हाबाफारियाव गोबां सिबियारिफोरा बाहागो लायो। रायखानो गोनांदि, दिने बाथों धोरमनि बादिब्ला सिजों बिफानि मोखाडव जुथाय आर 'ज गाबनायनि गेजेरजों दिनेनि सानाव बर 'फोरा गोथार बाथों सानखों गोदो-गोदायनिफ्रायनो फालिबेदों। गोथार बाथों सान फालिथायाव कक्राझार बाथों दोरोडरि आरो हारिसुवारि मिरुनि लिंथुमगिरि महिम बसुमतारिजों लोगोसे बाथों मिरुनि माखासे दैदेनारिफोरा बाहागो लायो। दोरोडरि आरो हारिसुवारि मिरुनि लिंथुमगिरि महिम बसुमतारिआ खौरं बिजोंनि सिगाडव फोरमायोदि, मोनफ्रोमबो मंगलबारखालि बाथों फुजा होबोदोंब्लाबो हाबा मावनाने माय हानाया जोबनायनि उनाव मायफोरखों बुधुमनाय जायो बेनि थाखायनो माग दाननि नैथि मंगलबारआव जर 'खा गोनांथि होनाने गोथार बाथों सानखों फालिनाय जायो। दिने गोथार बाथों सानाव गाव-गावनि थाखायल' नड दुलाराइ मुलुगानि थाखायनो आर 'ज गाबनायनि जाउनाव बे सानहा जर 'खा गोनांथि दड' होन्नाने बिथाड मिथिहोयो।

कक्राझारआव सा-सान्जा फोर्बोआ दिनेनिफ्राय ..

बेसेन गोसासिन होन्नाने बिथाड दाबि खालामनाने सा-सान्जा हालामाव हारिसुवारि हेरिटेज दड' होन्ना मख 'नाने आसामावनो बर', रभा, कार्बिजों लोगोसे गुबुन गुबुन हरि-माहारिनि अनगायेंबो सा-सान्जा हालामाव नागा, मिज', मनिपुरि, अरुणाचलीजों गाब गोनां हारिसु दड' होन्नाने बिथाड फोरमायो। ट्राइबेल हारिफोरा बे बायदिनो खोंसेथे लोगो जानाने गावनि आरिसु-हारिसुखों दावगालानो नांगोन होन्नाने बिथाड बुडे। गुबुन फार्सेंथिं, गुबुन गुबुन राइज्योनिफ्राय फेनाय आर्टिस्टफोरबो फोर्बोआव बाहागो लानाने गोजेनाय मोन्नायखों फोरमायो। फोर्बोनि दिनेनि गिबि सानाव हदरति दाब-दाब जायगानिफ्राय फेनाय मोन 13 हारिसुवारि हान्जाफोरा गाव-गावनि दोरोडरि आरिसु-हारिसुखों दिन्थिफुंनयनि अनगायेंबो खमनायनाय आरो रेस्लिं बादायलायनायबो खुंनय जायो। मनिपुरनि लाइ हारवा, नागालेण्डनि आउ हार्टेन्स, मेघालयनि उवांगाला, त्रिपुरनि ममित्ता, मिज 'रामनि सेर', सिक्किमनि सिहिसाम-इयाकसा, जम्मु-काश्मीरनि रौफ, हारियाननि फाग, गुजरातनि सिडि धामाल, मध्य प्रदेशनि बाथाइ, उडिष्णानि सम्बलपुरि मोसानाने दिन्थिफुंनय जायो।

गसाइगावआव लाइमोन फालांगिरिनि थैनायाव गुबुन गुबुन दोलो-आफादफोरा दुखु फोरमायदों

इन्द्रचान्द झावनि सासेलन फिसाज्ला रजु झावारआ थानाय माखासे साननिफ्राय बेरामजों नाखेबजानाने दड'मोन। गावनि न'यावनो फाहामथाय लाबाय थानायनि गेजेरावनो दिने फुंनि समाव जोबथा हां बोयो। बिमा-बिफा आरो बिसिजों लोगोसे साने गथ 'साफोरखों बे संसार एंगारलानाय रजु झावारखों दिने मोनाबिलि समाव जोबथा बिदाय जायना जायो। आखा-फाखा सुबुं झावारनि अबथिरयै थैनायाव ओन्सोल नाडेनो दुखु सालोबसारो। गसाइगाव फालांगिरि आफाद, मारवलि लाइमोन मन्जजों लोगोसे बिजेपिनि कक्राझार जिल्ला आफादिनि लेडइ आफादिगिरि जैथमल मालुआ रजु झावारनि अबथिरयै थैनायाव गोथों दुखु मोन्नाय फोरमायनायजों लोगोसे दुखुथिया नख 'रनिमिसम दुखु मोनफानाय फोरमायहरो।

गसाइगावआव नेताजी सुभाष चन्द्र बसुनि 127 थि जोनोम सान फालिदों

मेल खुंनयजों लोगोसे मोनाबिलियाव हारिसु दिन्थिफुंनय हाबाफारि खुंनय जायो। गुबुन फार्सेंथिं, सालबारि महकुमानि सिडव थानाय सालबारि, रुपहि, निमुवा, कालपानि, बासबारि, थुखाबारि, कर्नसार, बरतारि, नलबारिपाम, हडुखाता, रबां बाजार, लेसेरा, सियालमापि, साउदरभिता, खारिजा-बिजनी ओन्सोलफोराव थानाय बाथों थानसालिफोरावबो गोथार बाथों सान फालिनाय जायो। गुबुन फार्सेंथिं, भवानिपुरनि खाथियाव थानाय कुसियाझारनि बाथों थानसालियाव दिनेनिफ्राय साननेनि हाबाफारिजों गोथार बाथों सान फोर्बोनि रुफाथि माइथाय फालिनाय जायो। दिने फुंनि समाव बाथों थानसालि फोथारनाय, बाथों थानसालिनि दरख बेखेवनाय, जुथाय बाथों आर 'ज गाबनाय, गुन गोनां फरायसाफोरखों बरायनाय बायदि हाबाफारि खुंनय जायो। लोगोसे बर 'हारिनि हारिसुवारि महेर-मुस्त्रिखों दिन्थिफुंनय जायो। बे बायदिनो गाबोन फुंनि समाव बाथों आर 'ज गाबनाय, गेवलां धोरमारि मेल, हारिसुवारि हाबाफारि खुंनय जागोन। मख 'नो गोनांदि, भवानिपुरनि खाथियाव थानाय कहरा, गेरुवापारा, बगेमारि, अजासास्तर बायदि गामिनि बाथों थानसालियावबो मेहेर गोनां हाबाफारिजों बाथों सान फालिनाय जायो।

अक्षय कुमारआ बिएमएफएमनि आपडेट शेयार खालामदो

अक्षय कुमारआ सावथुन बड़े मियां छटे मियांखौ लानाने खौराडव थाबाय थारदो। बावैसो समाव बियो रिलिज अक्टखौ फोसावदों मोन। फारसेथिं आथिखालाव फावखुंगुरआ आरोबाव मोनसे आपडेटखौ लानाने फैदों, जाय फेन्सफोरखौ बांसिनै थुलुंगाखां होगोन। बड़े मियां छटे मियांआव अक्षय कुमारजों लोगोसे एक्शन स्टार टाइगर श्रफआबो बाहागो लादों। सावथुनआव बिसोर सानैखौ लोगोसेयै एक्शन आरो इन्टरनेट खालामनाय नुनो मोनगोन। अक्षयआ थानाय माखासे सान सिगां बड़े मियां छटे मियांनि



टिजर रिलिजनि खौरंखौ शेयार खालामदों मोन। फारसेथिं आथिखालाव बियो थि समनि आपडेट होदों। फावखुंगुरआ सशेल मिडियाआव सावथुन

गोदान पस्टरखौ शेयार खालामदों। बेजों लोगोसेनो बियो टिजर रिलिजनि आपडेट शेयार खालामदों। बड़े मियां छटे मियांनि गोदान पस्टरआव

अक्षय कुमार आरो टाइगर श्रफखौ एक्शन मडआव नुनो मोनगोन। आखायाव मैसिन लानाय अक्षय आरो टाइगरआ फायर होदों। फारसेथिं बेकराउन्ड

सावथुन इमार्जेन्सिआ 14 जुनआव रिलिज जागोन



कंगना रतनआ गावनि सावथुन इमार्जेन्सिखौ लानाने गोलाव समनिफ्राय खौराडव थाबाय थारदों। बे सावथुनआव बलिउडनि कुइन्सखौ भारतनि गिबि आइजो गाहाइ मन्थि इन्दिरा गान्धीनि फाव खालामनाय नुनो मोनगोन। बे सावथुननि पस्टरनि अनगायै कंगनाया सावथुननि टिजरखौबो फोसावखां बाय। इन्दिरा गान्धीनि महराव बिन मोनसे नुथाइया फेन्सफोरखौ जावलिआ खालामदों मोन। बे सावथुनआ थानाय बेसोरनि नभेम्बर दानाव

मिडियाआव शेयार खालामदों। मख'नो गोनांदि, कंगना बे सावथुनआव फाव खालामनायजों लोगोसे सावथुनखौ बिथोनबो होदों। बावैसो समाव कंगनाया गावनि इन्सटाग्राम एकाउन्टआव टेजासनि उनाव गावनि गुबुन मोनसे रिलिज जानो गोनां सावथुन इमार्जेन्सिनि रिलिज अक्टखौ फोसावदों। बियो गावनि मावख'आरि इन्सटाग्रामाव मोनसे गोदान पस्टर शेयार खालामदों। बे सावगाविरखौ शेयार खालामनाय कंगनाया केषनआव लिरदों, भारतनि बयनिखुइ गिखंथाव समनि सल'आ आथिखालाव सोराडाव फे सिगोन। बे सावथुनआ 14 जुनआव रिलिज जागोन। कंगनानि अनगायै इमार्जेन्सिआव अनुपम खेरनिफ्राय लानाने महिमा चौधुरी, शटिस कौशिक आरो

मिलिन्ड समन बायदि स्टारफोरा आलादा-आलादा पलिटिकेल लिडारफोरनि फाव खालामगोन। 1975 निफ्राय 1977 आव 21 दानसिम सोलिनाय भारतआव इमार्जेन्सिनि सल'खौ कंगना रतनआ गावनि सावथुननि गेजेरजों नायगिरिफोरनो फोरमायगोन।

मिलिन्ड समन बायदि स्टारफोरा आलादा-आलादा पलिटिकेल लिडारफोरनि फाव खालामगोन। 1975 निफ्राय 1977 आव 21 दानसिम सोलिनाय भारतआव इमार्जेन्सिनि सल'खौ कंगना रतनआ गावनि सावथुननि गेजेरजों नायगिरिफोरनो फोरमायगोन।

राम मन्दिरनि बेरवेवनाय हाबाफारियाव रणबिर कापुरआ गावनि फिसाजो राहाखौ गोसोरवांदो



रणबिर कापुर आरो आलिया भाट्टआ बलिउडनि साबसिन सुपास्टर बिसोर सानैआ श्री रमनि जोनोम जायगानि मन्दिर बेखेवनायाव बाहागो लानो थाखाय आयध्याआव थारदों मोन। रणबिर-आलियाजों लोगोसे बे प्राण प्रतिष्ठा हाबाफारियाव गुबुन स्टारफोरबो बाहागो लादों। बेनि माखासे सावगाविरफोर आरो भिडिअआ सशेल मिडियाआवबो भाइरल जादों। बे हाबाफारिनि समाव रणबिर कापुरआ फोरमायदोंदि, गाव गावनि फिसाजो राहाखौ गोसो खांदों आरो राहाखौ बे जारिमिनारि फोबोनि साखि जाजानो हास्थायदों मोन। 12 जानुवारिखालि रणबिर कापुर आरो आलिया भाट्टआ उत्तर प्रदेशनि आयध्याआव श्री रामनि मन्दिरआव राम ललानि प्राण प्रतिष्ठा हाबाफारियाव बाहागो लादों। बे समाव बियो टाइम्स नावजों बाथ्रा सावरायनाने बे हाबाफारिखौ गौरबनि बाथ्रा होन्ना बुंदों। गाव बेवहाय फैनाने खाफाल गोनां हमादों। लोगोसेनो राहाखौ लाबोफारिनि उनदाहा खालामदों। बे हाबाफारियाव बाहागो लानो थाखाय आलिया भाट्ट आरो रणबिर कापुरआ मुम्बईनिफ्राय आयध्याआव फैदों। बे जरखा सानाव जराया आसार खास्थि बायदियै ड्रेस गान्दों, जेराव बिसोर सानैखौ समाइना

नुदों मोन। आलिया भाट्टनि सारिखौ नुनाने सासे फेनआ एक्सआव लिरदों, बनि

सारिआव डिजाइनरफोरनि गेजेरजों फोरमायनाय रामायणआ दंफायो। फारसेथिं

रणबिर कापुरआ बे जरखा सानाव धुति- कुर्ता गान्दों आरो सलजों गावनि लुकखौ

आबु खालामदों। बिसोर सानैनि वार्कफ्रन्टनि बाथ्राखौ बुडोब्ला रणबिर कापुरआ आथिखालाव एनिमेलनि जाफुंसारनायनि रंजानाय लानो हादों, जेराव अनिल कापुर, बनि देअल आरो रश्मीका मन्दानायाबो फाव खालामदों। फारसेथिं आलिया भाट्टखौ जोबथा खेब करण जौहरनि सावथुन रकि और रानी की प्रेम काहानीआव रणभिर सिंजों सोगोसे नुनो मोन्दों मोन। आथिखालाव थाबैनो बिखौ सावथुन जिगराआव नुनो मोनगोन।

आनान्या पान्देआ पेरिसआव मुसारिनि ड्रेस गान्दाने फेसन दिन्थिदों



बलिउड स्टारफोरा सावथुनफोरनि अनगायै प्रफेसनेल लाइफजों सोमोन्दो गोनां माखासे थासारिफोरखौ लानाने खौराडव थाबाय थारयो। बांसिनै स्टारफोरा रेम्प वाक खालामो, जायनिफ्राय बिसोरनि लुकसखौ लानाने सशेल मिडियाआव गोबां बाथ्रा सावरायनाय जायो। माब्लाबा बिसोर गावसोरनि ड्रेस आरो मेकआपनि जाहोनाव बाखाय जायोब्ला माब्लाबा लाजि नाडेबो। बे खेबआव बेबायदि जाथाया आनान्या पान्देनि सायावबो जादों। बनि

पारसनेलिटिखौ लानाने सुबुफोरा गोबां मोजां मोनो। फावखुंगुरिआ पेरिस हाउस काउसर उइकआव रेम्प वाक खालामदों। बेवहाय बनि समाइना महरा जेसेबां बाखायजानो हादों एसेबांनो बियो ड्रेसनि जाहोनाव लाजिनादों। लाभ लाइफखौ लानाने लाइम लाइटआव थाबाय थानाय आनान्या पान्देआ गावनि लुकनि जाहोनाव गोबां टूल खालाम जादों। आनान्या पान्देआ पेरिस हाउस काउसर उइकआव मुदांखा डिजाइनर राहुल मिश्रानि थाखाय वाक खालामदों। बनि भिडिआ

गोबां भाइरेल जादों। बे भिडिअखौ सशेल मिडियाआव सेयार खालामनाने बेखौबो बुंनय जादोंदि, आनान्या पान्देआ पेरिस हाउस काउसर उइकआव रेम्प वाक खालामनाय बयनिखुइ बाडाइसिन बैसोनि बलिउड फावखुंगुरि। बियो गावनि मुसारिनि ड्रेसनि जाहोनाव टूल खालामजादों। सासे सुबुडा आनान्याखौ उर्फि जाभेडजों रु जुदों। बियो लिरदोंदि, आनान्यानि लुकआ उर्फिनि लुकजों थुलुंगा मोन्नाय। फारसेथिं गुबुन सासे सुबुडा लिरदों, बनि पेसन सेन्सखौ नुनाने मिनिनो ओंखारो। माखासे सुबुफोरा फावखुंगुरिनि कनफिडेन्सखौ नुनाने बाखायदों। आनान्याआ गुबुन हादरनि मडेलारफोर बायदिनो मोजाडे थाबायदों। बनि मोखाडाव जेबो रोखोमनि गिखंनयखौ नुनो मोनाखै।

नुदों मोन। आलिया भाट्टनि सारिखौ नुनाने सासे फेनआ एक्सआव लिरदों, बनि

प्रेस मिटनि एपिसडखौ नुनयनि उनाव बिग बस-17 नि देरहासारिगिरि जागोननि मुंखौ सन्देह खालामनाय जादों

कन्ट्रिभिटरि एल रिप्लिटि स्व'बिग बस-17 आ माखासे साननि गेजेरानो जोबसिगोन। बिग बसआ टप-5 बादायारिफोरखौ मोन्नो हाखां बाय। बावैसो समाव स्वआव मिडिया ट्राइल जादों, जेराव ननि बादायारिफोरनयाव बिसोरनि दासिमनि आखुफोरखौ नोजोर होनाने जरखा सौंथि सौंनय जादों। बे समाव भिकी जेननिफ्राय लानाने मुनवर पारुकनयावबो सौंथि सोनाय जादों। स्व'आव प्रेस मिट जानायनि उनाव बिग बसनि आगुनि बादायारिफोरा बे सिजननि उइनार जागोनखौ सन्देह खालामदों। प्रेस मिटनि समाव अभिषेक कुमारखौ उमेन बिटर बुंनयनि थाखाय स्लेम



खालामनाय जादों। भिकी जेननयाव अंकितानि सायाव गाञ्जि आखु दिन्थिनयनि सोमोन्दे सौंथि सौंदों। बिनियाव बिसोरनि जुलि जानाने सोमोन्दो लाखिनायाव सोमजिनाय जेनाफोरनिफ्राय लानाने इनलजनि सोमोन्देबो सौंथि सौंनाय जादों। मुनवर

पारुकनयाव आइसनि सायाव जाबसिनयाव दायनि सोमोन्दे सौंथि सौंदों। बनि सायाव टु टाइमनि एलिगेसन्सआ नांना दड। जायनि सोमोन्दे सौंथि सौंनाय जादों। प्रेस मिटनि एपिसडखौ नुनयनि उनाव किश्वर मारसेन्टजों लोगोसे माखासे आगुनि बादायारिफोरा

उइनारनि मुंखौ प्रेडिक्ट खालामदों। बिग बस-9 नि बादायारि जानाय किश्वर मारसेन्टआ दिनेनि उनाव सोर देरहासार जागोन बेखौ मोनथिबाय जानांगौ होन्ना टुइट खालामदों। बिग बस-9 नि बादायारि मनु पान्जाबियाबो मेकासनि स्ट्रेटजनि सायाव सौंथि सौंदों। बियो टुइट खालामदों, थारैनो मोजां नगेटिभ सेट खालामनो नाजदों नामा ? नैथि टुइटआव बियो अंकिता लखन्देनि सोमोन्दे बुंदोंदि, बिखौ प्रेस कन्फ्रेन्सनिफ्राय बांसिन गुबुननि इमेजखौ वाइट भश खालामनो नाजानाय होन्ना हमादों मोन।

सेफ आलि खानआ सार्जार् खालामनायनि उनाव न'आव थांफिनबाय

बलिउड फावखुंगुर सेफ आलि खाननि देहायारि थासारिनि खौराड जेब्लानिफ्राय सोराडव फैदों, अब्लानिफ्रायनो फेन्सफोरा बनि देहायारि थासारिनि गोदान आपडेटखौ मोनथिनो उसु-खुथु जादों। फावखुंगुरखौ ट्राइसेप्स सार्जार्नि जाहोनाव देहा फाहामसालियाव थिसन्नो गोनां जादों मोन। फारसेथिं आथिखालाव बिखौ डिस्चार्ज खालामनाय जाबाय आरो डिस्चार्ज जानायनि उनाव बनि गिबि भिडिअआ सोराडव फैदों। सेफ आलि खानखौ मुम्माइनि ककिलाबेन धिरुबाइ आम्बानी देहा फाहामसालियाव थिसन्नाय जादों मोन। बिखौ हान्थु आ रो फाप्लियाव सार्जार् खालामदों होन्ना बुंनय जादों मोन। आथिखालाव मोजां जानायनि उनाव फावखुंगुरआ गावनि देहायारि थासारिनि सायाव आपडेट होनाने फोरमायदोंदि, गाव टूइ सेप्सनि सार्जार् खालाम खालामनायखौ बाहोदों मोन।



फाहामसालिनिफ्राय रेहाय मोनबाय। सशेल मिडियाआव मोनसे भिडिअआ सोराडव फैदों, जेराव सेफआ करिनाजों लोगोसे पेपारजनि केमेश्याव सेबखजदों। भिडिअआव सेफखौ करिनाजों लोगोसे न' फारसे थानाय नुनो मोन्दों। बे समाव बियो आसि बिमा दिन्थिनाने पेपारजिनो गावनि देहाया मोजां जानायनि फारसे इसारा होदों। मख'नो गोनांदि, फावखुंगुरआ भिशाल भारडवाजनि सावथुन रगुनि शूर्तिनि समाव जोखोम जादों मोन। बै जोखोमनि थाखायनो फावखुंगुरआ सार्जार् खालामनो गोनां जादों।

सावथुन आर्टिकेल 370 नि टिजरआ थाबैनो रिलिज जासिगोन

किरण रावनि बिथोन होनायाव बानायनाय लापता लेडिज आरो यामि गौतमनि सावथुन आर्टिकेल 370 आ आथिखालाव खौराडव साग्लोबसारना थारदों। मोनैबो सावथुनफोरनि टिजरआ रिलिज जाबाय। जायखौ नायगिरिफोर गोबां मोजां मोन्दों। आथिखालाव फेन्सफोर लापता लेडिजनि ट्रेलारखौ गोसो होसारना नेना थारदों। फेगौ 25 जानुवारिखालि सिध्दार्थ

आनान्दिनि बिथोनहोनाय सावथुन फाइटरआ रिलिज जागोन। बे सावथुनआव फावखुंगुर ऋतिक रशन आरो दिपिका पादुकनआ गिबि खेब स्क्रिन शेयार खालामगोन। फाइटरआव नायगिरिफोर पुलवामा एटेकनि सल'खौ नुनो मोनगोन। बेबायदियाव बे सावथुननि समावनो लापता लेडिजनि ट्रेलारखौबो दिन्थिनय जागोन। सावथुन लापता लेडिजनि गेजेरजों किरण रावआ गोलाव



समनि उनाव बिथोनगिरि महरै फेफिन्दों। फारसेथिं सावथुनखौ आमिर खानआ बानायदों। बे सावथुनआ 1 मार्च आव

सिनेमाहलफोराव रिलिज जागोन। सावथुन आर्टिकेल 370 नि टिजरखौबो सुबुखाथि सानाव रिलिज जानो गोनां सावथुन

फाइटरजों लोगोसे पर्दायाव दिन्थिनो थाखाय आबुडै थियारि जादों। यामि गौतमनि बे सावथुनआ एक्शन पलिटिकेल ड्रामा। बे सावथुननि टिजरखौ जेब्लानिफ्राय डिजिटेल मिडियाआव रिलिज खालामनाय जादों, अब्लानिफ्राय बेयो इन्टरनेटआव दोहौ सोमजिखदों। टिजरआव यामि गौतम आरो प्रियामनिनि फाव खालामनाय सिगांनिफ्रायनो सुबुफोरनि आसा खालामनायखौ बाहोदों मोन।

इउएनएससियाव भारतनो अरायथा सोद्रोमा होयैया इनाइः एलन मास्क

गोदान दिल्ली, 23 जानुवारी : टेस्ला सिइअ आरो सशेल मिडिया प्लेटफर्म एक्सनि बिगोमा एलन मास्कआ इउएन रैखाथि परिसद (इउएनएससि) याव भारतनि अरायथा मासि मोनैखौ सोंखारिनानै बुंदोदि, जाय हादतफोरनियाव नांनयनि बांसिन गोहो दडबे हादतफोरखौ बिसोर नागरानो लुबैया। बिथाडा इउएनएससिखौ सोंखारिनानै बुडोदि, बे आफादआव भारतनि अरायथा मासि गैयैया साबजाथाव बाश्ना जायाखै। मास्क आ सासे आमेरिकान इज्राइलनि



बिजनसमेन माइकेल आइजनबर्गनि मोनसे पस्टनि फिन्नाय होदोमोन। माइकेलआ इउएननि गाहाइ नेहाथारि एन्टनिय गुतेरेसनि मोनसे बिबुंथिनि सायाव भारतखौ मख'दोमोन। अदेबानि इउएननि

गाहाइ नेहाथारिया आफ्रिकानि थाखाय अरायथा मासिखौ मदत खालामनायाव बेनि हेंथायै माइकेलआ भारतनि सोमोन्दैयै मा बुंगोन होन्ना सोंथि दिखांदोमोन। बेनि फिन्नायाव बिथाड बुंदोदि, आथिखालनि

इउएनखौ बंग खालामनानै गोदानै दैदेन्नाया गाहाम। मास्क आ लिरबावदोदि, इउएननि आफादफोरखौ नायबिजिरनायनि गोनांथि दड। जेंनाया बेनोदि, जाय हादतफोरनियाव नांनयनिखुइ बांसिन गोहो दडबिसोखौ मानो नागरानो? बयनिखुइ बांसिन सुबुं अन्जिमा थासेयावबो भारतखौ इउएन रैखाथि परिसदआव अरायथा सोद्रोमानि जायगा होयैया गनायजाथावै। बेराफारसे आफ्रिकाखौबो मोनसे मासि इउएन रैखाथि परिसदआव होनांगो। सुलुखव फोस्मायनाय बायदब्ला, भारतआ गोबां बोसोरनिफ्रायनो इनाइटेड नेसन्स सिक्किउरिटि काउन्सिलआव अरायथा सोद्रोमा जानो दाबि दिखांबोबाय थादो। नाथय चीननि जाहोनाव भारतआ अरायथा सोद्रोमाखौ दासिमबो मोनो हायाखै।

गोदान दिल्ली, 23 जानुवारी : अयध्या राम मन्दिरखौ बेखेवनायनि दोहौखौ दरफोम हादतफोरनिफ्राय लानानै गुबुन हादतफोरसिमबो नुनो मोनगासिनो दड। बे समाव भारतनो मुलुगनि माखासे हादतफोरा हामब्लाइथि बाउहरगासिनो दड। बेनि गेजेरजों गोबां जायगाफोराव बेखेवनाय हाबाफारिखौ लाइट स्ट्रीमि खालामनाय जादों आरो माखासे जायगायाव पुजा फोबों आरो हाबाफारि खुंनय जादों। बेनि गेजेरजों निउजिलेन्डनि फालांगि मन्थिनि फारसेनिफ्राय भारतनो हामब्लाइथि बाउहरदों। बिथाड बुंदों, बे समाव आं निउजिलेन्डआव थानाय भारतयारिफोर आरो गाहाइ मन्थि नरेन्द्र मदिनो हामब्लाइथि बाउहरो। निउजिलेन्डनि फालांगि मन्थि टड मेक्लेआ



बुंदों, आं बेबायदि मख'जाथाव मोन्नो हानायनि थाखाय निउजिलेन्डआव थानाय गासै भारतयारिफोर आरो मुलुगनाडै थानाय गासै भारतयारिफोरनो हामब्लाइथि बाउहरनो लुबैयो। गाहाइ मन्थि मदिनो बिथाड निउजिलेन्डजों लोगोसे लोगो जानायनि थाखायबो साबायखर बाउहरो। अदेबानि गाहाइ मन्थि मदिनो मुलुगनि गिबि दैदेनगिरिमोन, जाय निउजिलेन्डनि गाहाइ मन्थिनो गावनि मासि सामलायनायनि

उनाव हामब्लाइथि बाउहरदोंमोन। जों लोगोसे गोरोबलायनानै खामानि मावनो थाखाय जोबोद गोसो गुदुं जानानै दडहोन्ना निउजिलेन्डनि फालांगि मन्थिया बुंदों। बेनि सिगां निउजिलेन्डनि रेगुलेशन मन्थि डेबिड सिमरआ राम मन्दिर बेखेवनाय जथुमाखौ लानानै जोबोद गोसो गुदुं दिन्थिदोमोन। बिथाड राम मन्दिरनि जर'खा फोबोंनि समाव पिएम मदिजों लोगोसे भारतनि गासै सुबुंफोरनो हामब्लाइथि बाउहरदों। पिएमनि

दैदेन्नायाव 500 बोसोरनि उनाव बे राम मन्दिरखौ बानानाया गोस्ले जादों आरो बेयो रोजा रोजा बोसोरसिम थासिमोन। बेराफारसे राम मन्दिरखौ बेखेवनाय हाबाफारिनि सायाव निउजिलेन्डनि एथनिक क मिउनिटिस मन्थि मेलिसालिआबो बुंदों। आं मुलुगनाडै थानाय भारतयारिफोरनो अयध्याआव राम मन्दिर जथुमानि थाखाय हामब्लाइथि बाउहरो। जर'खायै निउजिलेन्डनि भारतयारिफोरनो बेनि सिगां इज्राइलनि राजथानै नाअर गिलनआबो बे हाबाफारिखौ लानानै मोनसे पस्ट शोयार खालामदोंमोन। बे पस्टआव बिथाड राम मन्दिर बेखेवनाय जथुमाखौ लानानै भारतनि सुबुंफोरनो हामब्लाइथि बाउहरदों।

इन्डिग' फ्लाइटनि इन्जिनआ फेल जानानै इमार्जेन्सि लेन्डिं खालामनादों



कलकाता, 23 जानुवारी : इन्डिग'नि जयपुरनिफ्राय कलकाता थांबाय थानाय फ्लाइटखौ इमार्जेन्सि लेन्डिं खालामनादों। सुलुडाव फोरमायदोंदि, इन्डिग' फ्लाइट 6इ-784 नि बिरनाय उनाव इन्जिन फेल जादोंमोन। मिडिया रिपर्टनि बायदिब्ला बे उरां जाहाजआव सा 160 दावबायारिफोर गाखोदोंमोन। इन्डिग'नि फ्लाइट नम्बर 6इ-784 जयपुरनिफ्राय कलकातानि थाखाय बेलासिनि 6:15 रिंगायाव बिरो। नाथय बिरनायनि माखासे सम उनावसो बेनि इन्डियानआ गात्रि जायो

आरो फ्लाइटआ जयपुर ए यार प ट' आ व नो बाग्लायफिन्नाडो। मिडिया रिपर्टनि बायदिब्ला बे उरां जाहाजआव गाखोनाय गासै दावबायारि आरो कु मेम्बरफोर रैखाथियै दड। 23 जानुवारीखालि जयपुरनिफ्राय कलकातानि थाखाय बिरनाय इन्डिग'नि फ्लाइटआ टेक्नीक गात्रि जानायनि थाखाय जयपुराव फे फिननाडो। बबे खानि पायलटआ सुबुंथियारि सालायनाय हाबाफारिखौ फालिनानै उरां जाहाजखौ जयपुरआव बाग्लायफिनो। आथिखालाव बे प्लेनखौ

नायबिजिरनो आरो बानायफिनो थाखाय जयपुरआव लाखिनाय जादों। लोगोसे दावबायारिफोरनि थाखाय गुबुन उरां जाहाजनि बेब'स्थाबो खालामना होनाय जादों। फारसेथिं इन्डिग' फ्लाइट नम्बर 6इ-784 नि इन्जिनआ फेल जानायजों जेंनायाव गोस्लेदों। बेराफारसे जयपुरनिफ्राय दिल्ली थांनो गोनां स्पाइस जेटनि फ्लाइटनि दावबायारिफोराबो थांनय समबास्खालि बेलासिनि दावबायनाया गाहामै थाडखै। अदेबानि फ्लाइट नम्बर एसजि-2342 आ जयपुरनिफ्राय दिल्लीनि थाखाय बिरदोंमोन। नाथय 2 घन्टा बायव थानायनि उनाव उरां जाहाजआ जयपुरआव फे फिननाडो। अदेबानि खम बिजिभिलिटिनि जाहोनाव फ्लाइटआ दिल्लीयाव लेन खालामनो हायाखै। जायनि जाहोनाव गासै 1 घन्टा हलडआव थानायनि उनाव फ्लाइटआ जयपुराव फेफिनो।

गोदान दिल्ली, 23 जानुवारी : कसना भाइरासनि जाहोनाव मुलुगनाडै गोबां सुबुंफोरनि जिउ गोमाबाय। बेराफारसे आथिखालाव बिगियानगिरिफोरा आर्क टिक आरो गुबुन जायगाफोराव बरफनि हाजो थिखिनिफोरनि गाहायाव गोदोना थानाय भाइरासजों सोमजिनाय अलखदफोरनि सोमोन्दैयै सांग्राथि होदों। डा गार्जियेननि मोनसे रिपर्टनि बायदिब्ला बिगियानगिरिफोरा बुंदों, आर्कटिकनि बरफनि दामोन गलिनयजों जम्बी भाइरास ओंखारनो हागौ आरो बेजों मोनसे गिखंथाव मुलुगयारि सावसि अलखद समआ जागायनो हागौ। सुलुनि बायदिब्ला, पर्माफ्रिस्टआ



मुलुगनि सा बाहागो एवा बिनि गाहायाव अरायथा महैरै जमा जानानै थायो। बेयाव हा आरो बाला अन्थाइ थायो, जाय सरासन्सायै बरफजों लोगोसे लाथा-खानानै थायो। ग्लबेल वार्मिनि जाहोनाव बांनय बिदुनि


जाहोनाव जमा जानानै थानाय बरफआ गलिनो हमो। जायजों अलखदआ बाडो। बे भाइरासजों लोब्बा गोनां अलखदफोरखौ साबसिनै बुजिनो थाखाय सासे बिगियानगिरिया थांनय बोसोराव साइबेरियानि पर्माफ्रिस्टनिफ्राय लानाय नमुनाफोरनिफ्राय नायबिजिरो आरो गाहायाव गोदोना थानाय भाइरासनि सोमोन्दैयै फोरमायदों। बिथांमोननि

बायदिब्ला आर्क टिकआव मोन्नाय भाइरासआ जमा जानानै रोजा रोजा बोसोर बारलांबाय। एक्स मासिले मुलुग सोलॉसालिनि प्रफेसार जिन-मिशेल क्लेभेरीआ बुंदोंदि, आथिखालाव महामारिनि अलखदखौ नायबिजिरनाया बै बेमारफोरनि सायाव जाय खोला ओन्सोलफोराव ओंखारनो हागौ आरो उनाव साहा फारसे गोसारनो हागौ। बेनि उल्थायै

मोनसे ओरैबायदि रोखोमनि सायाव जोबोद खम नोजोर होदों। जाय सा आरो खोला बाहागोआव गोसारनो हागौ आरो बियो मोनसे जोबोद गिदिर गोरोन्थि। बेयाव ओरैबायदि भाइरास दड, जाउनाव सुबुंफोरखौ इन्फेक्सन खालामनानै आरो मोनसे गोदान बेमारनि रोखोमखौ जागायनायनि गोहो दड। बेनि अनगायै र्टारडेमआव थानाय इरास्मस मेडिकल सेन्टरनि बिगियानगिरि मेरियान कु पमेन्सआबो बे बाश्नानि सायाव गनायथि होनानै बुंदोंदि, जों पर्माफ्रास्टआव बबे भाइरासआ थाखोमानानै दड बेखौ मिबथिया। नाथय जों सानोदि, बेयो मोनसे मोगथाडैरि अलखद जानानै माखासे बेमारफोरखौ गोसारहोना हागौ। जों बेखौ गाहामै नोजोर लाखिनांगोन।

डेमक्रेटस बिसायख'थिआव बाहागो लानाडा होन्नाय हादरगिरि बाइडेननि गारांजों रबकल गोसारदों

मन्चेस्टर, 23 जानुवारी: हादरगिरि मासिनि गुदि बिसायख'थिनि सिगां, निउ हेम्पशायरनि थागिबिफोरनियाव मोनसे नंखाय एवा रबकल सौहैदों, जायखौ आमेरिकानि हादरगिरि ज बाइडेनजों गोरोबफलेनाय एआइ राव बादि खोनानो मोन्दों। बेयाव भट होनाड होन्नाय बोसोन होनाय जादों आरो नभेम्बरआव सरासन्सा बिसायख'थिफोरनि थाखाय भटखौ रैखा खालामनायनि बोसोन होनायबो खोनानो मोन्दों। खौरांनि बादिब्ला, बाइडेननि रावै बुंदोंदि, रिपाब्लिकन दैदेनगिरि डेमक्रेट भटारफोरखौ गावनि प्राइमारि



इलेक्सनआव लाफानो नाजानाय जादों। बेयो जोबोद जाथावथारै। निउ हेम्पशायरनि एटर्नी जेनेरेल जन फरमेलाआ बेखौ रोखायैनो मोनसे आयेन बेरेखा नाजानाय होन्नाय निउ हेम्पशायर

प्रेसिडेन्सिएल प्राइमारि इलेक्सनखौ जेंनायाव खोस्त्रैनो आरो निउ हेम्पशायर भटारसखौ गादबनो नाजादों होन्नाय बुडो। नमर'ब'नि सिइअ अरन फसआ बुंदों, बिनि डायनिफ्राय मिथिनो

मोन्दोंदि, 76 जौखोन्दो रबकलआ निउ हेम्पशायरखौ थांखि कालामदों, 17 जौखोन्दोआ बस्टनखौ आरो आद्रा 12 जौखोन्दोआ गुबुन ओन्सोलफोरखौ कभार खालामदों। बिनि हमदंनय बादिब्ला, बे गेनाखान्थि कलफोरनि अन्जिमाया 5000-25000 सिममोन। बाइडेननि अभियान सामलायगिरि जुलि चाभेज रडिग्जआ मोनसे फिन्नायाव बुडोदि, बे केसखौ सिगाडावनो निउ हेम्पशायर एटर्नी जेनेरेलनो दैथायहरनाय जाखांबाय आरो थाबैनो आजावजानाय उफ्रा थांखिफोरनि सायाव सांग्रां महैरै सावरायनाय

जादों। भट होनायखौ दबथायनानै दोन्नो आरो गोसो जानानै उदांसि आरो गेनाखान्थि गैयै बिसायख'थिफोरखौ लोरबां खालामनायनि थाखाय गोरोन्थि खौरां गोसारहोनायखौ सहायनाय जानाय नड आरो बाइडेनआ गावखौ लोरबां खालामनो थाखाय जायखि-जाया नाजानायफोरजों जुजिगोन। मिडिया रिपर्टनि बादिब्ला, बे केसआव निउ हेम्पशायर एटर्नी जेनेरेलनि मावख'निफ्राय फिन्नाय सोराडव फेदों, जेराव बुंनय जादोंदि, बे नंखाय कलफोरखौ नायबिजिरगासिनो दड।

गाजायाव गाग्लोबनायजों सा 10 सान्थिफोरनि जिउ गोमादों

जेरुशालेम, 23 जानुवारी: इजराइलनि सान्थिफोरा बुंदोंदि, गेजेर गाजाआव मोनसे गाग्लोबनायाव सा 10 सान्थिफोरनि जिउ गोमादों। सुलुनि बादिब्ला, सान्थिफोरा समबास्खालि गेजेर गाजाआव गंनै न'फोरखौ सिलिंखार खालामनो थाखाय बेरफ्रुगा मुवा-बेसादफोरखौ थियारि खालामदोंमोन, बे समावनो सासे उतखारिआ खाथिनि गंसे टेंकआव रकेटजों ग्रेनेड गावहरदों। जायनि जाहोनाव



बेरफ्रुगायजों इजराइलनि सान्थिफोरनि सा 10 जवानफोरा जिउ गोमादों। सुलुनि बादिब्ला, जिउ गोमानायफोरनि अन्जिमाया आरोबाव बांदों आरो मुंफोरखौ फोसावनाय जागोन। मख'नो गोनांदि, बेयो हमासनि हेंथायै 3 दाननि दावहाया बयनिखुइ गिखंथाव जाथायफोरनि गेजेराव मोनसे, जाय उतखारि हान्जानि फारसेनिफ्राय 7 अक्टबरआव इजराइलआव गाग्लोबनायनि उनाव जागायदोंमोन। गाहाइ मन्थि बेन्जामिन नेतन्याहुआ बै समसिम आवागयनो समायखिख लादों, जेब्लासिमाव इजराइलआ खुंथायाव थानाय हमास उतखारि हान्जाखौ सिलिंखार खालामा आरो गाजायाव जोबनानै दोनजानाय 100 निबो बांसिन कयेदिफोरखौ रेहाय खालामनो हाया। बेराफारसे इजराइलआ थारेनो बेबादि खालामनो हाथाव

ना होन्ना सोंथि सिखांदों। कयेदिफोरनि नख'रनि सुबुंफोर आरो बिसोरनि माखासे हेफाजाबगिरिफोरा इजराइलजों दावहा दोन्थ'नायनि रादाय खानायाव सौहैनायनि इसारा होनाय बुंदोंदि, कयेदिफोरखौ रैखाथियै न'आव लानानै फे फिननांगौनि समआ जोबलांगासिनो दड। समबास्खालि गोबां कयेदिफोरनि नख'रनि सुबुंफोरा गाव-गावनि सुबुंफोरनि रेहायनि थाखाय रादाय खानायनि दाबि दैखानानै संसद समिटिनि जथुम्मायाव गोखों बाश्ना बुंदों। समबास्खालि गोबां सुबुंफोरा जिउ गोमानायजों इजराइलनि फारसेनिफ्राय गाग्लोबनायखौ होबथानो एवा बेखौ आबुडै बन्द खालामनायनि दाबिआ बांसिन जानो हागौ।

मेक्सिक'आव गिबिसिन राम मन्दिर मोन्जो हाबाय

गोदान दिल्ली, 23 जानुवारी: भारतआव राम मन्दिर प्राण प्रतिष्ठा महत्सवआ 22 जानुवारीखालि दोहौ गोनाडै जानानै थाडो। अभिजित मुहूर्तआव भगवान रामललाखौ प्राण प्रतिष्ठा एवा थिसन्नाय जायो। हादरनाडै राम महत्सवनि दोहौखौ नुनो मोन्दों। भारतजों लोगोसे मुलुगनाडैबो बे फोबोंखौ गाजा-गोमजायै फालिदों। बेनि गेजेशव मुलुगनि माखासे हादरफोराव राम मन्दिर बानायगासिनो दड। बेराफारसे आमेरिका महाद्वीपनि हादर मेक्सिक'आवबो गिबि राम



मन्दिरखौ मोन्नो हायो। मेक्सिक'नि क्वेरेटर'आव भव्य राम मन्दिर बानायनाय जादों।

बेखौ लानानै ससेल मिडियाआव गोबां फिनजाथायफोर सोराडव फेदों।

मेक्सिक'नि क्वेरेटर'आव जर'खा राम मन्दिर बानायनाय जादों। बे मन्दिरनि थाखाय

जर'खायै भारतनिफ्राय मुसुखाफोर लांनय जादों। सुलुनि बादिब्ला, मेक्सिक'आव बानायनाय मन्दिरआव भारतनिफ्राय लांनय मुसुखाफोरखौ थिसन्नाय जादों। बे समाव मोनसे आमेरिकान भारतयारि फुजारिफोरा नेमखान्थिजों हाबाफारि खुंदों। बे समाव भारतीयफोरा जाग्रा आदार, कीर्तन आरो शाश्र्तीय मिउजिकनि हाबाफारि दिन्थिफु'नाय जायो। बे हाबाफारिआव गोबां अन्जिमानि भारतयारिफोरजों

लोगोसे मेक्सिक'नि नोगोरारिफोराबो गोसो थुलुंगाखानानै बाहागो लायो। मेक्सिक'आव थानाय भारतयारि थान्दैआ पस्ट शोयार खालामनानै बुंदोंदि, मेक्सिक'आव गिबिसिन भगवान राम मन्दिर लुनाय जादों। अयध्याआव प्राण प्रतिष्ठा फोबों खुंनयनि सानसे सिगां मोनाबिलिआव क्वेरेटर' सहरआव गिबि भगवान राम मन्दिर लुनाय जादों। क्वेरेटर'आव गिबि भगवान हनुमान मन्दिरखौबो बेखेवनाय जायो।

लोगोसे मेक्सिक'नि नोगोरारिफोराबो गोसो थुलुंगाखानानै बाहागो लायो। मेक्सिक'आव थानाय भारतयारि थान्दैआ पस्ट शोयार खालामनानै बुंदोंदि, मेक्सिक'आव गिबिसिन भगवान राम मन्दिर लुनाय जादों। अयध्याआव प्राण प्रतिष्ठा फोबों खुंनयनि सानसे सिगां मोनाबिलिआव क्वेरेटर' सहरआव गिबि भगवान राम मन्दिर लुनाय जादों। क्वेरेटर'आव गिबि भगवान हनुमान मन्दिरखौबो बेखेवनाय जायो।



गोहोगोरा सिमां इचुन दाफुंनाय

आबुं जाबाय

17 लाख पाक्का न' आसामआव प्रधान मन्थि आवास यजना-ग्रामिन



प्रधान मन्थि आवास यजना-ग्रामिन, आसामआ दिनेसिम 17 लाखनि बांसिन PMAY-G न' लुफुंनानै गुबुन मोनसेबाव जाफुंसारनायखौ आजावनो हादों, बे रोखोमै जिउखौ सोलायनाय लाबोदों आरो जौगानायखौ बांहोदों। बेयो मानगोनां गाहाइ मन्थि श्री नरेन्द्र मदी आरो मानगोनां गिबि मन्थि ड० हिमन्त बिश्व शर्मानि दैदन्नायाव गाबोननि जोंथिनि थाखाय जौगानाय आरो बाउसोमनायनि बिदिन्थि। बे फालिथाइआव आं मानगोनां गाहाइ मन्थि आरो मान गोनां गिबि मन्थिनिसिम बिथांमोननि दैदेन्नायनि थाखाय गोसो गोर्बोजों साबायखर बाउवो। जोंनि सायाव फोथायनायनि थाखाय गासै मुलाम्फागिरिफोरखौबो बरायो।

रनजित कुमार दास

मन्थि, पन्चायत

आरो गामि जौगाखां बिफान, आसाम

पन्चायत आरो गामि जौगाखां बिफान, आसामजों फोसावजानाय